



60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

C40-4514

丁卯上座請天藏及有
家書置武州紫雲山
校微笑塔院宣府中永
為學者不敢許出院內
山三世鐵牛機謹誌



B 64853

大佛頂如來密因修證了義諸菩薩萬行首楞嚴經
卷第五

師子林沙門惟則會解 天台山沙門傅燈圓通疏

結解無二決通次義二効正明結解無二二効疑請二効陳疑

○阿難白佛言世尊如來雖說第二義門今觀世間
解結之人若不知其所結之元我信是人終不能解

世尊我及會中。有學聲聞亦復如是從無始際與諸

撰述

楞伽經卷五

無明俱滅俱生。雖得如是多聞善根名爲出家猶隔日瘧。○惟願大慈哀愍。淪溺今日身心。云何是結從

(二請示)

何名解。亦令未來苦難衆生得免輪迴不落三有。作是語已。普及大衆。五體投地。雨淚懇誠。佇佛如來無

上開示

溫陵曰。前第二義文云。不見所結。云何知解。故此

牒之而請也。祇山曰。同體無明品數至多。又迷境不一。故曰諸生滅去來。常在妄中。故曰俱。天如補註曰。世之瘧病。隔日而發。爲其病根未除故爾。喻

有學聲聞。通惑雖破。而別惑病根未除也。

天台曰。如來前卷開示第二。決定始令審詳。煩惱根本。次云汝觀世間解結之人。不見所結。云何知解。煩惱根本。卽是所結。今當機。欲深知此結。故請世尊爲之發明。乃加之元二字。元本也。卽最初結起本元。此有遠近。遠卽因明立所。所既妄立。生汝妄能。近卽識精元明。遍在根門。名爲所結之元。從

接述

大般涅槃經卷第十五

無始際。與諸無明俱滅俱生。謂之俱生無明。亦是此物。惟識論明我執略有二種。一者俱生。二者分別。俱生我執。無始時來。虛妄熏習。內因力故。恒與身俱。不待邪教及邪分別。任運而轉。故名俱生。此復二種。一常相續。在第七識緣第八識。起自心相。執爲實我。二有間斷。在第六識緣識所變。五取蘊相。或總或別。起自心相。執爲實我。此二我執細故難斷。後修道中。數數修習勝生空觀。方能除滅。故今當機。取喻爲隔日瘧者。正以須陀洹人見惑雖斷。思惑病根未除故也。若通喻。乘極果即是八識。根本無明。取七識所緣者。謂之俱生無明。雖是極細病根。亦不外乎此物。故此結元關係極重。然雖問元。正在于今。故云今日身心。云何是結。從何名解。所以如來下文示云。是故汝今知見立知。即無明本知見無見斯卽涅槃。下今字正是照映處。
〔二開三〕
〔二〕
〔三〕
〔初說端〕

○爾時世尊憐愍阿難及諸會中諸有學者。亦爲未

來一切衆生爲出世因作將來眼以闇浮檀紫金光手。摩阿難頂。卽時十方普佛世界六種震動。微塵如來住世界者各有寶光從其頂出。其光同時於彼世界來祇陀林灌如來頂。是諸大衆得未曾有。○於是阿難及諸大衆俱聞十方微塵如來異口同音告阿難言。善哉阿難汝欲識知俱生無明使汝輪轉生死。

初說端

〔正說三〕

結根。惟汝六根更無他物。汝復欲知無上菩提。令汝速證。安樂解脫。寂靜妙常。亦汝六根更非他物。

溫陵曰。先摩其頂者表無上開示也。六震者動起踊吼。震擊表破六根妄結也。諸佛頂光灌釋迦頂者。示同發明無上頂法。異口同告者。示諸佛脫生死證菩提。皆由斯要也。俱生卽根本無明也。生死

妙常。同因六根者。知見立知故輪生死。知見無見卽證妙常。如下所明。

天台曰。此經名大佛頂者。正爲開示無上頂法也。含生本具極果所宗識精元明。超出理表。見道者見乎此也。修道者修乎此也。證道者證乎此也。是以將欲開示此法。先摩當機者之頂而表示之。而諸佛又復各放頂光灌如來之頂者。意明當機識精中之元明。即如來果位究竟之明元。同一頂法無二無別者。其表示之方。亦可謂至詳盡矣。然如來既以此而形似之。復以此而明告之曰。生死涅槃煩惱菩提。皆是六根更無他物。適足爲發明結元之聲。欲開示解結之先容。至於了語。則又有下文在也。

提要

楞嚴經疏卷五

二此佛親說二初疑問

○阿難雖聞如是法音心猶未明稽首白佛云何令我生死輪迴安樂妙常同是六根更非他物○佛告

初長行三初明根塵本真

二明識性體虛二初正明

阿難根塵同源縛脫無二○識性虛妄猶如空華

吳興曰根塵識三攝十八界本如來藏妙真如性

故曰同源凡夫迷真故縛聖人悟真故脫迷悟雖殊始終理一故曰無二同源必兼識性虛妄必具

根塵文綺互也

天台曰吳興謂同源必兼識性虛妄必具根塵此釋近義可也若言外遠意恐非其然蓋二卷中佛示自住三摩地真空則云見與見緣并所想相如虛空花非識性虛妄猶如空花乎次示妙有則除去六識想相但云此見及緣元是菩提妙淨明體非根塵同源乎故知根塵同源有真有妄而可鵠可曉識性純妄但云猶如空花不言同源與縛脫也

二釋成

○阿難由塵發知因根有相相見無性同於交蘆

吳興曰塵相通指六境知見略示二根根境對論

撰述

標解圓通卷五

五

攝十二處。斯皆兩法相涉。內無實性。故喻若交蘆。有以根境識三。釋此喻者非也。而不知經語巧妙。從寬至狹。上攝界義。故三。此攝處義。故二。下文又略其境。單言其根。故言知見立知等。

天台曰。此段吳興謂經語巧妙。從寬至狹。此說亦非。要知三處俱備。根塵識三。而正意在破識。蓋根塵是依他起性。本自無咎。惟六識是徧計執性爲生死根本。是故當破故初段特云。識性虛妄。猶如空花。次段云。相見無性。同於交蘆。此須引下重頌中間無實性。是故若交蘆釋成。則交蘆喻識性甚。

明三段知見立知。卽無明本。知見卽根。立知卽識。雖不言塵。豈有無塵之知。但影略耳。故知三處皆攝界義。而正爲破識。如曰知見立知。卽無明本。知見無見。斯卽涅槃。非破識而何哉。又解。若順吳興所說。從寬至狹者。則同二卷展轉脫去。凡有四重。初顯真空。云。見與見緣。并所想相。如虛空花。本無所有。此同初節。三者備舉。次顯妙有。云。此見及緣元。是妙淨明體。此同次節。脫去識心。次見明之時。見非是明等。此同三節。但云知見立知。脫去六塵。次見見之時。見非是見。此同四節。知見無見。脫去見精。雖有此解。初約爲正。

○是故汝今知見立知。卽無明本。知見無見。斯卽涅

三明解同因

孤山曰。上言立知而略見。下言無見而略知。經文
 互影也。孰知見實有名立知見。此卽妄心是生死
 輪迴之本故云。卽無明本達知見無姓名無知見
 此卽真心。安樂妙常故云。斯卽涅槃無漏真淨。是
 則惟一真心更無別法故曰。云何是中更容他物。
 又解知見立知是迷真知見立緣塵等妄知見故

卽無明知見無見是達真知見無緣塵等妄知見
 故卽涅槃故前文云入佛知見也。佛知見外更無
 別法故不容他物前釋約常心卽寂一切皆泯後
 釋約常心卽照有真知見故茲兩釋並符佛旨天
 如補註曰。云何是中更容他物者由上諸佛告阿
 難言輪生死證妙常惟汝六根更非他物阿難於

此有疑舉以問佛。佛乃兼引根塵識三映帶辯釋而復結以知見立知等語。知見二字通攝六根言爲無明爲涅槃無非六根而已。豈更容他物哉。此蓋釋阿難之疑而證諸佛之言也。又阿難前云若不知其所結之元我信是人終不能解。又云今日身心云何是結從何名解故如來答以知見立知。

即是結也。卽是所結之元也。知見無見卽名解也。天台曰。孤山解知見立知二說俱當。前釋約常心卽寂是達妄本空處。便是了真有體。卽了真有體處。便是達妄本空處。則卽寂而卽照。卽照而卽寂。寂照雙融。寂照俱泯。如雲去卽月明。月明卽雲去。更無前後異時也。但寂照所對之境未會。顯言不知修者向何處下手。須知如來前文示云。生死煩惱苦提涅槃同是六根。更無他物。而阿難未了。故重伸啓問。世尊今斷之曰。知見立知卽無明本。知見無見。斯卽涅槃。云何是中更容他物。夫何故前不云乎。根塵同源縛脫無二。識性虛妄。猶如空花。又曰由塵發知。因根有相。相見無性。同於交蘆。蓋如來先示之。以所以然而後正示以所以。故其言之序也。如此。何也。夫生死縛也。涅槃脫也。縛之因。由乎煩惱分別。脫之因。由乎菩提智照。真得其源。則本可

復妄得其源則流可遏故學道莫先貴乎知源者識精元明也蓋元明爲真之源識精爲妄之源此二法混居於六根之中謂之同源若依識精起緣塵分別則爲煩惱依識精見見非見絕思惟照本真則爲菩提既得乎真源矣視彼識性如空花同交蘆者何有哉故曰是故汝今知見立知卽無明本知見無見斯卽涅槃惟一無漏真淨云何是中更容

他物

偈頌二初頌正訊二初重頌二初頌根塵同源三初四中道縛脫雙邊

○爾時世尊欲重宣此義而說偈言真性有爲空緣生故如幻無爲無起滅不實如空華

吳興曰真性卽根塵之源也有爲卽縛脫之相也

若真性在迷能生九界根塵之相名之爲縛若真性出纏能起十界根塵之用號之爲脫此縛與脫皆卽真而俗故曰有爲亦卽俗而真故曰空也緣生故如幻釋成有空義也有爲之法皆從緣生凡夫以惑業爲緣聖人以機感爲緣二緣所生俱是假名故云如幻此頌根塵同源縛脫無二也無爲

下頌識性虛妄猶如空華。上言如幻助成空義耳。

今云空華正顯虛妄也。且識性是有爲起滅之法。真性反此。故曰無爲無起滅。旣云虛妄。即是不實。故喻如空華。舊以前二句破有爲後二句破無爲。

出掌珍論

天台曰。吳興熏聞記引構李證真鈔云。初半頌立有爲法。是空卽真性。有爲是有法。定空爲宗。因云從緣生故。同喻如幻事。次半頌立無爲無起滅不實。

如空花亦具三支比量。若取義便須移不實兩字歸上句。移無起滅三字歸下句。以不實是宗中空義。故應立量云。真性無爲是有法。定空爲宗。因云無起滅故。同喻如空華。問下半頌無真性。言今何強添答。上真性言須通下轉云云。掌亦論標四句。與此小異。真性有爲空。如幻緣生故。無爲無有實。不起似空華。後云若有有爲法。則有無爲法。旣無有有爲。何得有無爲云云。論有兩卷。上卷廣明真性有爲空。下卷廣明後二句。

二釋中道無爲亦遠

三例標塵與瓶同空

○言妄顯諸真妄真同二妄○猶非真非真云何見

所見中間無實性。是故若交蘆。

吳興曰。前長行但破於妄。今復恐捨妄取真。故重

遣之。孤山曰。諸之也語助耳。言根塵虛妄。則顯涅槃真實。對妄說真。待對不絕。真亦成妄。故云二妄。龍樹云。若法爲待。成是法還成待。猶非能遣也。真非真所遣也。非真卽妄見。卽是根所見。卽境對妄說真。猶皆遣蕩云。何更有妄中根境乎。中間謂根境二法體中無性。此頌相見無性。同於交蘆。

二頌解同卷

○結解同所因。聖凡無二路。汝觀交中性。空有二俱非。迷晦卽無明。發明便解脫。

吳興曰。欲明解結。泛舉所因。所因者六根也。前諸佛同告云。汝欲識知生死。結根乃至速證安樂。解脫。惟汝六根。更非他物。正同此義。孤山曰。汝觀下重牒。前喻令審觀也。言空。則蘆有外相。言有。則蘆

標述

標述

中本空以喻根境。妄執似有其體元空。迷晦下頌知見立知及知見無見等。

二孤起三勃令選擇根門

○解結因次第。六解一亦亡。根選擇圓通入流成正覺。

溫陵曰。躡前結解之義。起後圓通之文也。六解則

根據一亡則湛圓。選得圓根。則入聖流。證聖果矣。

二示選擇須精

○陀那微細識。習氣成暴流。真非真。恐迷我常。不開

演

溫陵曰。陀那下頌根結初起之由也。陀那此翻執持。執持種子。發起現行。卽第八梨耶。含藏種子爲習氣積生識。浪爲暴流。湛由是分。結由是起也。此識依真如。合生滅。雜乎真妄之間。故曰真非真也。

若以爲真。恐迷妄習而自誤。以爲非真。恐迷自性。
而外求故權小教中。皆不開演也。深密經曰阿陀
那識甚微細。一切種子成暴流。我於凡愚不開演。
恐彼分別執爲我。外道所執神我。卽此識也。

天台曰。準翻譯名義集云。阿陀那義。翻執持能執持種子。根身生相續義。執持有三。一。執持根身。令不爛壞。二。執持種子。令不散失。三。執取結生相續義。卽有情於中有身。臨末位。第八識初。一念受生時。有執取結生相續義。結者繫也。屬也。於母腹中。

一念受生便繫屬彼故亦如磁毛石吸鐵鐵如父母精血二點第八識如磁毛石一剎那間便攬而住。同時根塵等種從自識中亦生現行。名爲執取結生解深密謂之九識者乃別取第八淨分言之故攝論云世尊說法凡有三種一染汙分二清淨分三染汙清淨分譬如金藏土中有三。一地界。二金三土輪。以地譬依他性。具染淨二分此第八識。以土譬分別性爲生處染分此第七識以金譬真實性爲涅槃淨分此第九識今謂準諸經論所說則阿陀那識爲三識之總名是則首卷所指識精元明。正指此識。識精卽第八染汙清淨分譬如地界元明卽第九清淨分譬如真金能生諸緣。卽第七外綠色空。以生六識譬如土輪。若一切衆生雖具第九而雜在第八所謂真非真故若見見非見聞聞非聞卽脫出識精而純是第九。如來之意慮行人見性不真執此識精見精體無分別者爲真常故說此頃深誠弗生取着故言之如此而正脉疏解微細二字云深隱而非淺顯曰微精妙而非

麌浮曰細當知經初十翻所示卽曲盡其微細矣不知微細二字但標榜此識。習氣瀑流非真之狀下識陰云此湛非真如急流本望如恬靜流急不見是也蓋見性但可言其不動周圓。若云微細何異刻畫無鹽唐突西施耶

二識弗生取着

○自心取自心非幻成幻法不取無非幻。非幻尚不

生幻法云何立

溫陵曰頌解結入圓之要也。一切諸法惟心所現而於中取著妄成根結是自心取自心非幻成幻

法也由妄取故有幻非幻。若不妄取非幻亦無非幻尚無幻法何有。幻法不立則根塵頓淨圓通現前矣

一頌讚美三初約法體讀

二約功能讀

○是名妙蓮華金剛王寶覺如幻三摩提○彈指超

三引同佛讀

無學○此阿毗達磨十方薄伽梵一路涅槃門

溫陵曰此結頌也此之法門於淨不著於染不汙。

拾遺
卷之五
七

名妙蓮華根境結惑擬之則銷名金剛王覺卽爲無爲亡情絕解名如幻正受依此修進一彈指間可超無學而入圓位也阿毘達磨云無比法十方如來迥出生處速證寂常莫不由斯故曰十方薄伽梵一路涅槃門薄伽尊號具六義謂自在熾盛端嚴名稱吉祥尊貴孤山曰彈指超無學顯三止

之功也若入地往則超小乘阿羅漢位縱入相似亦超無學以同除四住此處爲齊若伏無明三藏則劣又縱在觀行亦超無學如太子處胎貴壓群臣頻伽在鷇聲逾眾鳥

天台曰西天有貫散二花以喻佛所說經長行文義釣鎖若以線貫花之有序偈頌詞理散湧如花法華等經是也有貫而無散散而無貫者如單譯諸經諸偈是也獨此楞嚴貫多而散少義深而意遠是以三處偈文莫不槩括全經博蒐大義卽如

指述

卷五

三

七

此偈雖曰祇夜伽陀雜糅精瑩實祇夜多而伽陀少故得取前經遠意而釋之文分爲二初頌正說二頌讚美正說二初重頌二孤起重頌二初頌根塵同源二頌結解同途初中三初頌中道縛脫雙遮二釋中道無爲俱遣初中道縛脫雙遮中言真性有爲空者真性二字標起中道卽前經兩翻所說圓融三諦皆以實相中道爲之體雖曰雙照而正在雙遮故縛脫俱遣遺縛故曰有爲空緣生釋成空義以諸法從緣生因緣空無主故也如幻喻上空義緣生之法悉如幻化幻化不實故空遺脫故曰無爲無起滅蓋言真性中道在處不獨有爲之縛空而無爲之脫亦空故云不實不實卽空義無爲何故不實以無起滅故有爲有起滅者尚空況無爲無起滅者而有實乎如空華喻無爲之法悉如空花而無實體應知前空空人法後空空俱空此正頌根塵同源而言中道真性者正指菩提涅槃元清淨體元明爲根塵之真源識精爲根塵之妄源今正指真源使歸元者而知所取下去方

頌出妄源使返妄者而知所去也言妄顯諸真去二釋中道有爲無爲俱遣或疑有爲生从故宜遣無爲涅槃何故亦遣偈釋二義先遣無爲言妄顯諸真是待真而說妄龍樹偈云若法爲待成是法還成待故曰妄真同二妄也欠遣有爲故曰猶非真非真云何見所見中間無實性是故若交蘆見卽根所見卽塵中間卽識謂真性於無爲真尚猶非況根塵識三而不空乎交蘆喻下自釋明二頌結解同途言結解同所因聖凡無二路者長行諸佛同告生从涅槃同是六根故須曰同所因無二路雖曰六根而正意在破六識故曰汝觀交中性非況根塵識三而不空乎交蘆喻下自釋明二頌結解同途言結解同所因聖凡無二路者長行諸佛同告生从涅槃同是六根故須曰同所因無二路雖曰六根而正意在破六識故曰汝觀交中性正指生从結根結元所謂識精元明元明卽中道真性識精卽根結之元生諸緣卽成有爲守識精卽名無爲二乘所證無爲涅槃卽此識也依識精而生諸緣卽迷晦而爲無明依識精而見見元明

卽發明爲解脫。同是六根。豈有他法哉。二孤起三初令選擇行門。前云但於一門深入。入一無妄。彼六知根。一時清淨。故曰解結。因次第云。云言次第者。卽下此根。初解先得人空等也。二示選擇須精。陀那微細識。卽前識精。含藏種子爲習氣。積生識浪爲暴流。湛由是分結。由是起。溫陵師所解詳矣。三誠不生取着。謂此識精。旣切近於真。本是自心而不可取著。一生取著。卽自心取自心也。言非幻者。以此識本自卽真。爲生取著。故非幻成幻。其若不取。卽非幻尚不生。幻法云何立乎。上明中道雙遣。卽不取之理。此明不取。卽中道雙非之觀。非幻不生。卽非空。幻法不立。卽非有。故下是名妙蓮花三句。皆約此而歎。一讚美分三。初約法體歎。初句歎中道雙遮。二邊溫陵所謂此之法門。於淨不著於染。不汙名妙蓮華。次二句歎中道雙照。二邊所謂根境結惑。撮之則銷名金剛王。此照空也。卽爲無爲。亡情絕解。名如幻正受。此照有也。故此歎美亦是重頌上三諦圓融之法。二約功能讚。卽彈指

超無學。孤山所謂顯三止之功云云。至聲逾衆鳥。顯此法門。日劫相倍。亦可謂詳矣。三引同佛讚餘如舊解。惟一路涅槃門。雖曰迥出生死。速證寂常。莫不由斯而路之與門云何指歸。要知卽六根而不是六根。蓋此法門其具也。審。苟非菩薩。辟王而不能食此甘露。經稱識精元明。題稱如來密。因諸佛出要。俱不外乎是也。

顯解一亡初疑請二初經家叙事

二阿難陳辭

○於是阿難及諸大衆聞佛如來無上慈誨。祇夜陀羅。糅精瑩妙理。清徹心目。開明歎未曾有。阿難合掌頂禮白佛。○我今聞佛無遮大悲性。淨妙常真實。

換述

卷五

法句心猶未達。六解一亡。舒結倫次。惟垂大慈。再愍斯會。及與將來。施以法音。洗滌沉垢。

吳興曰。祇夜云應頌。又云重頌。卽頌上長行也。伽陀云。諷頌亦略云偈。不因長行但諷美而頌之。二頌合明。故云雜糅精瑩。此指能詮也。妙理清徹。此謂所詮也。溫陵曰。無遮大悲。言其博濟也。性淨妙。

常真實法句。則真妄兩忘。稟性之談也。沉垢微細。結惑也。長水曰。由前偈云。解結因次第。六解一亦亡。故此疑之。

天台曰。領悟玄詮。經家叙事。則能先而所後。當機陳辭。則能後而所先。妙理卽性淨妙。常謂上祇夜伽陀。所演真性中道。有無雙遣之理。卽結縛而解脫。取喻如妙蓮華。金剛王。如幻化。莫不清淨妙絕皎潔。真常非佛無遮大悲。何能若此。開我心目。此已領悟矣。有所未悟者。六解一古。舒結倫次爾。此中問意文。雖兩句義。則有六。六解一也。一亡二也。舒開三也。結成四也。倫類五也。次序六也。倫類但取義於結成。次序則義該乎結解。倫類一義者。如

撰述

校勘圖書卷五

六結。喻六根。宛如天倫行第之不紊。次序一義者。每綰一結。左右交加。從本向末。取六根生起之相。從細至麤。次第不亂也。先知乎此。則下文所答。無法喻不齊之過。其不然者。或歸咎於譬喻。或橫生乎穿鑿。使經義反晦矣。

二開示二物結巾喻迷二初結巾立喻二初結巾總示

○卽時如來於師子座整涅槃僧歛僧伽梨攬七寶几。引手於几。取劫波羅天所奉華巾於大衆前。綰成一結。示阿難言。此名何等。阿難大衆俱白佛言。此名爲結。於是如來綰疊華巾。又成一結。重問阿難。此名爲結。

何等。阿難大衆。又白佛言。此亦名結。如是倫次綰疊華巾。總成六結。一一結成。皆取手中所成之結。持問阿難。此名何等。阿難大衆。亦復如是。次第酬佛。此名爲結。

溫陵曰。涅槃僧裏衣也。僧伽梨大衣也。劫波羅云時分。卽夜摩天也。天如補註曰。由阿難未達六解。

撰述

標題圖通鑑卷五

五

一十七。舒結倫次。故如來示一巾成六結。令悟六解。

則一亡。示綰結之有次第。令悟綰結之有倫次也。
 天台曰。如來將寶華巾綰成一結。先喻次序義也。
 如是倫次綰成六結。喻倫類義也。約次序言。則生
 起之義。豎約倫類言。則行列之義。橫如初綰結時。
 左右交結。中有空隙。非次序乎。一二三四五六。結
 結相同。非倫類乎。譬如一胞共生六子。約十月長。
 養其義。則豎。一時降生。其義。則橫。既其同生。亦復
 同死。則生起與滅亡。不妨卽豎而橫。卽橫而豎也。
 此科先明。結成倫類次序。三義。

二約結定二。勸喻迷成六根。

○佛告阿難。我初綰巾。汝名爲結。此疊華巾。先實一

條。第二第三。云何汝曹復名爲結。阿難白佛言。世尊

此寶疊華。緝續成巾。雖本一體。如我思惟。如來一綰

得一結名。若百綰成終名百結。何況此巾。祇有六結。

終不至七。亦不停五。云何如來只許初時。第二第三。

不名爲結。○佛告阿難。此寶華巾。汝知此巾。元止一

條。我六綰時。名有六結。汝審觀察。巾體是同。因結有

二喻六根次第

異於意云何。初綰結成。名爲第一。如是乃至第六結生。吾今欲將第六結名成第一不。不也。世尊。六結若存斯弟六名終非弟一。縱我歷生盡其明辯。如何令是六結亂名。○佛言。如是六結不同。循顧本因。一巾所造。令其雜亂。終不得成。則汝六根亦復如是。畢竟同中生畢竟異。

二提喻義合

吳興曰。同謂一真之性。理本無差。譬巾之體也。異謂六根之精。事用有別。如巾之結也。天如補註曰。此謂六結。若存則倫次不容雜亂。下言六結若解。則一六俱亡。

二解巾喻。悟三初發六解。亡二初立喻。

○佛告阿難。汝必嫌此六結不成願樂一成。復云何得。阿難言。此結若存。是非鋒起。於中自生。此結非彼。

彼結非此。如來今日若總解除。結若不生則無彼此。
尚不名一。六云何成。

溫陵曰。不成謂是非鋒起不成一體也。願樂一成。
莫非解除。結惑不生則同異圓泯。故曰尚不名一。
六云何成。吳興曰。六根之精元是一真之性。以隨
緣故。在眼曰見精。在耳曰聽精等。此皆如第二月。

捏所成故。若能隨根脫粘內伏。六既融一。一亦斯
亡。如解結已巾亦無用。

天台曰。上科明從本向末。在末觀之。則六根不得
不異。故曰。則汝六根亦復如是。畢竟同中。生畢竟
異。乃結成倫類義也。此科明循末歸本。則六若解
時。其一亦亡。故曰尚不名一。六云何成。故合法云。
六解一亡。亦復如是。乃結成六解一亡也。

二合法

○佛言。六解一亡。亦復如是。由汝無始心性狂亂。知

見妄發。發妄不息。勞見發塵。如勞目睛。則有狂華於

湛精明無因亂起。一切世間山河大地。生死涅槃皆
卽狂勞顛倒拏相。

吳興曰。知見發妄。此屬能見之相。勞見發塵。卽對
所見之境。惟妄與勞。五住備矣。如勞目睛下雙喻
其義。一切世間下示塵勞之相。

天台曰。此科正合六結生起次序之義。心性等四
句。同前三細六麤。心性狂亂。卽妄爲明覺也。勞見

發塵。卽由是引起塵勞煩惱也。中間可知。如勞目
睛等。喻無實體也。生死涅槃皆卽花相者。所謂言
妄顯諸真妄真同二妄也。生死卽花相故六宜解
涅槃卽花相故一宜亡。又生死卽花相故有人空。
涅槃卽花相故有人空。故有人空。
有法空俱空。

二輪解結由心二物正顯由心

○阿難言。此勞同結云何解除。如來以手將所結巾。

偏掣其左。問阿難言。如是解不。不也。世尊。佛告阿難。

偏牽右邊。又問阿難。如是解不。不也。世尊。佛告阿難。

吾今以手左右各牽。竟不能解。汝設方便。云何解成。

阿難白佛言世尊。當於結心解卽分散。佛告阿難。如是如是。若欲除結。當於結心。

吳興曰。左右牽掣。俱不能解。喻觀二邊。皆不能破。根本無明。凡夫外道以斷常爲二邊。二乘菩薩。以空有爲二邊。雖曰伏斷。猶存巾結。若欲除結。當於結心者。知見立知。卽名爲結。觀知中道。是謂結心。

結不離巾。解之則一。知不異道。七之則中。天如補註曰。上心性狂亂等。示其根結之由。展轉虛妄。此掣巾等。示其解結之方也。

天台曰。吳興解牽掣左右與結心。喻二邊中道。泛濫不的。須知偏掣左右者。喻偏觀根塵。皆不能解。當於結心者。破識觀中也。此卽以第二根本識。精元明爲所觀境。前文見見非見。下文聞聞非聞。是爲當於結心也。若帖合前喻。如綰結時。一巾左右交加。以爲之結。而中心必空。則左右爲結。而中空非結。以喻衆生根塵和合。而爲綠塵之識。中有不爲綠塵者。識精元明也。故此經一以識精元明。爲大定之本。然而有結緊中心不空。難解者。可喻

接述

標題通鑑卷五

凡愚執情太重。卒難解脫也。有結寃中心虛洞而易解者。可喻有宿根大心人。一超直入如來地也。前文知見無見。斯卽涅槃。正是此意。第此中功用深密極難定當。今重立三義爲之闡明。一約所觀明中。二約所用明中。三約所破明中。一約所觀明中者。雖曰偏觀根塵。皆不能解。要當約根以離根。卽所觀根性。雖藉根而實不用根。直觀見精暎色。聞精暎聲之性。居於根塵之間。謂之當於結心。解即分散。二約所用明中者。今經雖具說三法。而正意在於中道禪那。故奢摩中已明中道了義。無戲論法。如曰此見及緣。元是菩提妙淨明體。無是非非。是三摩中生滅去來。本如來藏。常住妙明。不動周圓。妙真如性。正以識精中明。元爲所觀能如是觀。卽全性起修。以中觀中。是爲當於結心。解即分散。三約所破明中者。此有本有末。有正有傍。本卽識精屬第八識。末卽能緣屬第六識。若觀前後文意。正在破六識緣心。此識居於根塵之間。如曰知見無見。斯卽涅槃。是爲當於結心。解即分散。但所用

見見等工夫。直觀識精以顯元明。元明若顯識精。卽破是。不惟破其所生緣心。卽能生識精。乃亦隨破是爲以正兼傍。觀本破末。前取喻云。譬如弊竹先開其尾。而乘風皆裂。亦如伐木得根。而千枝悉殞。卽其事也。或問曰。所破但云六八。不言第七何也。答曰。七識居於二識之間。而外緣色空。內緣第八緣心。若破則外無所用。但存末那半分微細。而內緣識精。今也識精隨破。則內亦無緣。而微細亦亡。故大約論破識。但破六八。而七自無體。所謂覆巢之下。無有完卵也。

二指法與勸二。勸指真正因緣

○阿難。我說佛法從因緣生。非取世間和合麤相

吳興曰。旣令解結。當於結心。欲使選根而修圓行。

故示佛法從因緣生反顯若無因緣佛法無由而

生也。如前文云譬言如琴瑟雖有妙音若無妙指終

不能發是則圓修定慧是今因緣若三藏中事六

度等皆是世間和合麤相

天台曰我說佛法從因緣生非取世間和合麤相者此揀世間顯出世間非揀邪而顯正蓋前文已破因緣自然則所破者皆世間和合麤相今明若欲除結當於結心亦屬因緣所謂破情而不破法佛恐不知意者執前所破難今所立故爲言之使知破立之意也

二勸開根修習

○如來發明世出世法知其本因隨所緣出如是乃

至恒沙界外一滴之雨亦知頭數現前種種松直棘

幽鵠白鳥玄皆了元由是故阿難隨汝心中選擇六

根根結若除塵相自滅諸妄銷亡不真何待

孤山曰世謂六凡出世謂四聖知此十界皆因於

心隨無明之染緣則出九界隨教行之淨緣則出

增補

釋名圖說卷之五

五

佛界。故法華云。佛種從緣起。涅槃云。亦有因緣。因滅無明。則得熾然三菩提燈。吳興曰。佛有權實。二智。實智冥理。權智鑑物。發明世出世法。乃至知其種種元由者。皆權智所鑑也。既於情無情照了。不昧。顯今所說解結之法。及選根之義。悉是鑑物。宜然固無差謬矣。長水曰。選擇六根者。前文云。若能

於此悟圓通根。與不圓根。自劫相倍。故令選擇。

天台曰。松直棘曲。鵠白烏玄。皆了元由者。謂佛有溫和出假智能。一一了其根本。松之種云何直。乃至烏之種云何玄。非謂業種使之直。使之玄也。若曰鵠白烏玄。各各業相理。或有之。松直棘曲。亦推之於有情。各各業感。寧有是理哉。然而謂之心分垢淨。見兩土之昇沈可也。

三論解當次第二初立論

○阿難。吾今問汝。此劫波羅巾。六結現前。同時解縈。次第而解。六結同體。結不同時。則結解時。云何同除。得同除。不也。世尊。是結本以次第綰生。今日當須

吳興曰。綰巾成結雖有次第。黏湛成根必無倫緒。故不可以喻而難於法也。蓋言見聞覺知六用差別。如次第綰生也。選擇六根隨於一根發觀。如次第而解也。慈師云。意明六根不可齊觀。但依一根入證自然銷六斯會經意焉。

大台曰。次第解結之喻。吳興實際俱約橫在六根而論。終與下此根初解先得人空等合法不齊。蓋論解既自外而入。內論結亦必先內而後外。如前妄

爲明覺。因明立所等。則暨論生起次第之相。宛然但論結構開之數。則成乎六。暨論其數。則不可定如因明立所。以三細六麤言之。厥數成九。論解以當文言之。厥數惟四。卽人空。法空。俱空。及俱空不生。以圓通本根言之。厥數亦四。卽亡前塵盡。內根空觀智滅。諦理正以此文。具橫暨二義。蓋約倫類其義。則橫約次序。其義則暨。若六用差別而言。不妨卽暨而論橫。故前論結起之相。暨隱而橫顯。解結次第而言。不妨卽橫而論暨。故今論解結之相暨顯而橫隱。交光正昧。不知此意。乃橫生穿鑿。以圓通本根四節之文。分爲六重結。謂一動二靜三閒四覺。五空六滅。以配六重。一巾綰成六結。并解結之相。其餘固無暇論其非是。卽動靜二相。俱屬聲塵。而乃強開兩結人之多僻。一至于是。餘無足怪也。

二合法

○佛言六根解除亦復如是。此根初解先得人空。空

換道

福壽院道場卷五

性圓明成法解脫。解脫法已俱空不生。是名菩薩從三摩地得無生忍。

吳興曰。小乘析觀乃是作意先破人執次破法執然後會入空平等理。大乘體觀人法無殊。空非前後。今言此根初解先得人空者亦猶前文。如澄濁水沙土自沉蓋任運而然也。流師以天台別教釋之。

孤山斥云。其失非小。應知人空是破五陰假名。卽見惑也。法空是破五陰實法。卽思惑也。乃至破涅槃淨法。卽無明也。俱空不生。卽平等空。所空既盡能空。亦滅如前火木。然諸薪已。亦復自然。如是三空皆以中道而爲觀體。苟非此者。何異解巾。左右牽掣乎。

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

一
據透

天台曰。此根初解。解字作上聲。讀在因名解也。得法解脫。解字作去聲。讀得果名解也。空性惟一。由入者次第不同。受三空名。此根初解。雖得人空。猶有法執。在直須空性圓明。方得法之解脫。人法俱忘。謂之俱空。有俱空在。猶非真脫也。直須俱空。不生方得名爲真無生忍。故曰是名菩薩從三摩地得無生忍。又此中所說三空。若與下圓通章四節之文配。辯則亡。前塵盡內根當此文人空。空觀智當此文法空。滅諦理當此文俱空。生滅既滅。寂滅現前。當此文俱空。不生得無生忍。言從三摩地者。乃三止大定之總名也。三空與四位皆所歷階級。三摩地卽能歷工夫。故曰從。曰得也。此亦一往。若再研詳。不可定準。蓋寂滅現前。屬寂滅忍。在妙覺位。與無生忍遠。今以義配。初住斷滅相煩惱。是故然也。

○阿難及諸大衆蒙佛開示慧覺圓通得無疑惑。一

三
答證五
初發阿難問圓極二
初述解陳疑

時合掌頂禮雙足而白佛言。我等今日身心皎然快得無礙。雖復悟知一六亡義。然猶未達圓通本根。○
二敘意願請

世尊我輩飄零積劫孤露。何心何慮。預佛天倫。如失

乳兒。忽遇慈母。若復因此際會道成所得密言。還同

本悟。則與未聞無有差別。惟垂大悲惠我祕嚴。成就

如來最後開示。作是語已。五體投地。退藏密機。與佛

指遊

機譜圓通疏卷五

冥授

溫陵曰。慧覺圓通存乎一心。已蒙開示。故身心皎然。圓通本根。冥乎萬法。猶未通達。故與佛冥授也。密言卽發明慧覺之言也。祕嚴卽圓通本根祕要也。慧覺圓通我固有之。故雖因密言還同本悟。若不開祕嚴。則與未聞無異。故別求開示也。二十五

聖於根塵七大。各悟圓通是知本根。冥乎萬法也。佛不顯說而因衆敷陳。是謂冥授也。退藏密機。卽息慮凝心也。

天台曰。慧覺圓通。卽前通請奢摩他也。圓通本根。卽前別請最初方便也。下佛答中間在會聖衆云。吾今問汝最初發心悟十八界。誰爲圓通。從何方便。入三摩地。厥語顯然。則與未聞無有差別者。正言所得。向聞密言。還同本有之性。不增不減。與未聞時果何差別耶。退藏密機。與佛冥授者。妙玄論機。應有四句。此卽冥機冥應。然是卽顯而冥。非若利法身冥冥。利益也。

二如來請諸聖衆

○爾時世尊普告衆中。諸大菩薩及諸無漏大阿羅漢汝等菩薩及阿羅漢生我法中得成無學。吾今問汝最初發心悟十八界誰爲圓通從何方便入三摩地

孤山曰此下二十五聖觀十八界及以七大乃是開合之殊耳識大則合於六識根大則合於六根

餘之五大則總收六境以六境之體不出地水火風及空故也但言十八則已攝七故前文云十方如來於十八界一修行皆得圓滿無上菩提又此十八只是六根以各開根境識三故是則言六其義亦周故前文云令汝生死輪轉安樂妙常同是六根更非他物

撰述

標題

三

天台曰。竊原如來所說衆經多爲當時之一線。故所立境觀隨其宜樂或得此而失彼或詳一而略來之。譬羅一日而獲吞舟之魚得魚而筌忘。孰計後之衆機故立境立觀必搜括法門彼此而兼盡。萬一而全收。譬祝四維以捕群方之鳥不以得鳥而弛其網。至如智者圓頓止觀之書論境則具列乎十門。明觀則遍收乎萬行。此末代收機之不得不不然故法門之不得不廣也。獨如來所說楞嚴又則與他經異。立境則無所而不該。立觀亦無所而不盡。至於的論現觀則惟明陰界棟根則惟用耳門此又與止觀去丈就尺去尺就寸之意同。可謂不求合而自無不合也。就謂智者非聖人乎。是則今文佛問於十八界誰爲圓通。正境觀前後相望解行始終相資則天如無機不攝無教不收之言得矣。然若原前開解一門旨趣雖多而括其要領又全在汝但不隨分別三種相續一節蓋三種相續則全收二十五境不隨分別則全該大定工夫前

不云乎。有無分別之行。有有分別。卽無分別之行。有無分別與分別俱存而俱亡之行。無分別之行。卽奢摩他此云體真止。止於真諦圓覺所謂若諸菩薩悟淨圓覺以淨覺心取靜爲行。如阿那律陀跋陀婆羅等皆寂靜之流例也有分別之行。卽三摩此云方便隨緣止止於俗諦圓覺所謂若諸菩薩悟淨圓覺以淨覺心知覺心性及以根塵皆因幻化卽起諸幻。以除幻者變化諸幻而開幻衆。如藥王之分別味因普賢之分別衆生皆觀照之流例也。無分別與分別俱存而俱亡卽禪那。此云息二邊分別止止於中道第一義諦圓覺所謂若諸菩薩悟淨圓覺以淨覺心不取幻化及諸靜相了知身心皆爲呈穀無知覺明不依諸穀永得超過。凝無穀境受用世界及與身心相在塵域。得器中錙聲出在外如烏芻瑟摩等依七大而入道皆寂照不二之流例也。故知緣塵分別若美若惡雖巧盡世智莫非隨分別三種相續而悉號狂心。以三聖智於三相續若體若析悉號狂心。若歇歇卽苦

撰述

標題

提法門大體厥奧。若此而交光獨取一體無分別。謂之單刀獨入。何能盡楞嚴之妙旨哉。今於此前略點大意。庶令讀者知其旨歸。又復應知。二十五聖各陳圓通有兩重通別初重若收之。則門門皆通以無非圓通故也。若揀之。則別在耳根。方是此方真實圓通。次重則門門皆通。門門皆別。以諸聖所修觀門。通諸聖故。所依境法。人人不同故。故此兩重通別。門門皆具如觀音耳門。此方收之。則別他土揀之。則通香嚴法門。他土所取則別。此方揀之則通。知初重則了揀聖全在揀機。於諸聖不生慢心。知次重則了二十五門門門皆須理觀。以爲之本。不墮徒修苦行之譏。觀觀皆須一門爲之境。不墮偏觀清淨真如之失。修行大途厥奧。若此。又不可不知也。

三

諸聖各說證門五初觀六塵悟道六初陳那觀聲二初叙悟緣起

○橋陳那五比丘。卽從座起頂禮佛足而白佛言。我

在鹿苑及於雞園。觀見如來最初成道於佛音聲悟

明四諦。佛問比丘。我初禰解。如來印我名阿若多。○

二牒證結答

妙音密圓。我於音聲得阿羅漢。佛問圓通。如我所證

音聲爲上

孤山曰。妙音密圓者。密悟圓理也。或曰。涅槃說身

因而而皆小聖。淨名入不二。則俱大士。惟茲二十五

聖大小相參而云方便多門歸元不二。且陳那身
子近悟偏空。普賢彌勒久證圓理。久近兩異。偏圓
二殊。安得圓通其歸一揆。對曰。涅槃敘昔。則小無
大分。淨名方等。則大隔。小乘其談所證。豈得相混。
至若今經。二乘作佛。與法華同塗。闡提有性。將涅
槃共轍。敎已開顯。偏卽圓融。故使鹿苑之所證。同

成一乘之頓理。均乎普賢。諒無慙德。此約實行聲
聞也。若乃內祕大道。外現小乘。則鹿苑以來。何嘗
非大。既經發迹。一揆何疑。此約權行聲聞也。悟理
旣同。誰拘遠近。以此觀之。則大小相參之說。怡然
理順。遠近偏圓之惑。渙然冰釋。吳興曰。夫開權顯
實之說。惟諸佛祕要之事。非諸菩薩羅漢所能顯

示其猶禮樂征伐自天子出非諸侯之事今佛所問最初發心悟十八界誰爲圓通者且欲諸聖各述本根權實之道耳在昔方便未會真實諸聲聞人言與菩薩同入法性孰不自謂悟入圓通如陳那等雖曰妙音密圓但是聞生滅四諦微密圓悟未可混同如來藏理故中阿含云我至波羅柰擊

妙甘露鼓又云如來說法初中後妙豈彼妙名便同法華之妙乎只如下文說緣覺聲聞云勝妙現圓及勝性現圓又說大梵善見身心妙圓及妙見圓澄豈此妙圓亦同圓覺妙明之性乎應知如來先令諸聖次第說竟後告文殊言此二十五無學諸大菩薩及阿羅漢各說最初成道方便皆言修

撰述

卷之三

三



習真實圓通彼等修行實無優劣前後差別斯則
開權會實之正文也。文殊偈云聖性無不通順逆
皆方便蓋演如來之旨也。王伴相濟雅合其宜。又
若陳那等本大迹小鹿苑所證不亦小乎。豈顯本
後翻令漸初密悟圓理天台化儀四教龍樹二種
法輪顯露祕密俱無此說吾宗義學請熟思之

天台曰觀二師所說雖議論不同皆以此經判同
法華若果如所判則吳興爲當今已判入方等味
屬生酥蓋有文通義通收通歸別之義已如楞嚴
玄義判敎中說況佛令各說最初所悟宜其各順
佛旨直以當時所入大小偏圓者而陳固無勞以
開權未開紛紛之說而諍競於其間也是故今釋
二十五門凡爲二義初明所觀之境二明能觀之
觀能觀之觀又凡爲四釋一宗佛旨釋其所悟二
逐便宜略消名相三順說時義關四教四稟藏理
融歸圓頓然此四意或有盈縮小則四意俱盈大
乘則又隨教盈縮或三二一務盡其義理而已大
科爲五初釋六塵一釋五根二釋六識四釋七大五釋
耳根初觀六塵中優波尼沙陀尊者宜居其先今先聲
塵者有三說焉一以娑婆世界音聲而爲佛事是
故居首一以如來成道初轉法輪而陳那先悟是
故居首一以耳根圓通爲此方最初方便聞非自
然生因聲有名字今以音聲爲首正欲顯普門所
修爲當也釋聲塵圓通中光明境之通別如陳那

換述

卷五

三

三

所陳則偏於如來聲教。通則通於一切音聲。杳嚴聞擊竹以明心。辟支聞鉗聲而悟道。皆其事也。然於說法音聲。又有通別。別則惟在四諦。通則惟十二因緣六度萬行。以至圓頓至理。能觀之觀事有理。若約說法音聲事則耳歷法音。隨聞生解亦可謂心繫於境。繫於心。惟緣法音。毫無雜念。自有上根利智。一言之下。心地開通者。理則久學行人。持我一心之不亂。歷彼所說之法音。行隨解進。大小偏圓。於是乎分。亦可謂快馬見鞭影。卽入正路者也。二明能觀之觀。盈縮爲四。初宗佛旨。釋其所悟者。悉達太子。踰城出家。棲隱山谷。父王淨飯乃命家族三人。一阿濕婆。二跋提。三摩訶男。俱利勇氏二人。一僑陳那。二十力迦葉。往彼營衛。後時捨去。往鹿苑鵝闍園修於異道。及太子成道先爲五人。三轉四諦。十二行法輪。佛問汝今解否。答言已知。已解。此則約時約處。約人約教。悉在於小也。二略消名相。三轉四諦。十二行法輪。一苦諦者。謂二十五有。依正二報。雖然苦樂不同。未免生而復死。死後已還生。故名藏教實有苦諦。二集諦者。卽見惑。入十八使。思惑入十一品。總是藏教實有集諦。三滅諦者。滅前苦集。顯偏真理。因滅會真滅。非真諦。四道諦者。略則戒定慧廣。則二十七道品。三轉者。一示相轉。謂此是苦逼迫性。此是集。招感性。此是滅可證性。此是道可修性。二勸修轉。謂此是苦汝應知。此是集汝應斷。此是滅汝應證。此是道汝應修。三作證轉。謂此是苦。我已知。不復更知。此是集。我已斷。不復更斷。此是滅。我已證。不復更證。此是道。我已修。不復更修。每一轉下。皆令生眼智明覺。故名十二行法輪。三順說時義。闡四教者。陳那叙悟。雖在阿含。佛問圓通。正在方等。此時四教並談。而一家名義。四諦不局聲聞義。通四教謂三藏教。詮生滅四諦。苦則三相遷移。集則四心流動。道則對治易奪。滅則滅有還無。通教詮無生四諦。苦無逼迫。相集無和合。相道不二相。滅無生相。別教詮無量四諦。苦有無量相。十界果報不同。集有無量相。五住煩惱不同。滅有無量相。諸波羅密不同。

道有無量相。恒沙佛法不同。圓教詮無作四諦。陰入皆如。無苦可得。塵勞本清淨。無集可斷。邊邪皆中正無道可修。生滅即涅槃無滅可證。四禪藏理融歸圓頓者。自有最上乘人。達無情之說。偈悟法佛之恒聞能所之相。頓捐妙法之輪。常轉將與無量聲。如來而共調。琉璃光菩薩而同參。卽此而開示本覺妙明。又與普門大士而爲等伍也。

沙陀觀色二初敍悟緣起

○優波尼沙陀卽從座起。頂禮佛足而白佛言。我亦觀佛最初成道。觀不淨相。生大厭離。悟諸色性。以從

不淨。白骨微塵歸於虛空。空色二無成無學道。如來

二牒證結答

印我名尼沙陀。○塵色旣盡。妙色密圓。我從色相。得阿羅漢。佛問圓通。如我所證。色因爲上。

溫陵曰。優波尼沙陀此翻近少。亦云塵性。謂微塵是色之少分也。因塵悟解。故得此名。昔多貪欲。佛令作不淨觀。長水曰。因觀色塵。本如來藏。故曰悟。

諸色性。吳興曰。不然。旣云觀佛最初成道。正是小

經傳

妙法蓮華經卷五

一

乘無漏行法言悟諸色性者斯乃聲聞悟性念處

也。南嶽師云觀五陰理性名性念處故雜心論偈

云是身不淨相真實性常定諸受及心法亦復如

是說以從不淨白骨微塵歸於虛空者由多貪欲

修對治法成就九想發真破惑卽壞法羅漢也。九

想成時得慧解脫於諸色相發明無漏故云妙色

密圓

天台曰。一釋色塵圓通先明境之通別別在本門觀不淨相以至白骨微塵歸於虛空通則凡眼所對之色皆其境也。二明觀之盈縮亦用四意初秉佛旨釋其所悟者觀其所敍惟在小乘觀不淨相色以明空故曰悟諸色性以從不淨白骨微塵歸於虛空空色二無成無學道是則塵色既盡者破色也妙色密圓者歸空也因色悟空故以色因爲上二返便宜略消名相者此之法門乃佛教之大途觀門之要領蓋佛臨涅槃時阿難請問末世比丘當依誰住佛告阿難我滅度後比丘當依四念處住。一觀身不淨二觀受是苦三觀心無常四觀法無我今此法門卽四念之一溫陵所謂由多貪欲修對治法成九想觀尤想者一脹脹二青瘀三壞爛四血塗五膿爛六敗壞七噉八骨丸燒不淨觀門關涉多途具如止觀中說三順說時義關

楞透

四教者此四念處乃對治凡夫身受心法於不淨計淨於苦計樂於無常計常於無我計我謂之四倒故以四枯念處以破其倒此義攝得藏通兩教之機若對菩薩大乘之機令於身受心法觀常樂我淨卽謂之四榮念處此攝得別教之機若如來自受用法門則非榮非枯於娑羅雙樹之間以入涅槃此正對圓教之機也四宗藏理融歸圓頓者若依此經觀四念處應是後義以二十五境收之不外色心色當身念處收得五根五塵及法入少分心當受心法三念處收得六識意根及法入少分又七大中地水火風空見收得身念處識收後三念處或枯或榮非榮非枯莫非如來安置諸子秘密藏中也若依一切色塵觀性色真空性空真色清淨本然周徧法界則與持地菩薩同於法性悟無生忍也

○香嚴童子卽從座起頂禮佛足而白佛言我聞如

二香嚴觀香一初叙悟緣起

來教我諦觀諸有爲相我時辭佛宴晦清齋見諸比

丘燒沈水香香氣寂然來入鼻中我觀此氣非木非

空非烟非火去無所著來無所從由是意銷發明無

漏如來印我得香嚴號○塵氣倏滅妙香密圓我從

香嚴得阿羅漢佛問圓通如我所證香嚴爲上

構李曰宴安息也晦冥寂也清靜之室謂之清齋

撰述

校讎

卷五

五

資中曰。非木等者。觀性空也。吳興曰。凡言性空。必推四性。今當以木爲自烟火爲他。和合爲共。空爲無因。此似衍門。觀幻有卽空之相。下諸聲聞亦多是小乘。觀實有滅空之義。小行雖殊。所證圓通。同一直。師耳。若諸菩薩所悟。須約中道第一義諦言之。應有歷別圓融之異。經雖隱略。理合該通。如淨名室內三十二大士說入不二法門。天台所解。亦分圓別。豈以不二混同諸入乎。先云香嚴童子。則從菩薩受稱。復云得阿羅漢蓋。叙昔日所證。如下文月光童子。初得小果。後於佛所得童真名。預菩薩會。以彼驗此。名實可知。

天台曰。三釋香塵圓通爲二。初明境之通別者。鼻所對境。通於通塞。香嗅以此。四塵皆能顯發。嗅性

操達

校讎通鑑卷五

四

故也。今此圓通別在於香。如曰見諸比丘燒沉水
香。次明觀之盈縮爲四。初宗佛旨釋其所悟者。初
云教我諦觀諸有爲相者。通指二十五境。令其卽
事觀理。觸事而真。故曰諦觀。此則通稟行門之至
教也。次云見諸比丘燒沉水香。香氣寂然來入鼻
中。此敘宿昔所修。習境現前。卽以所稟之至教。用
觀香塵之事境。以木爲因。以火爲緣。烟卽所生之
法。空則所依之處來。則有所從去。則有所著。因塵
發。貌因。貌生識。五識。五意識。傳生無窮。漏落三有。
以妙香密圓言之。所謂若生於木。則此香質。因葬
成烟。若鼻得聞。合蒙烟氣。今也香氣寂然來人鼻
中。未嘗蒙烟。不生於木矣。若生於空。空性常恒。香
應常在。何藉爐中。葬此枯木。不生於空矣。貌餘烟
火而無香。不生烟火矣。非自非他。非共非無。因來
旣無所從去。亦無所著。如此旋假以入空。會物而
歸已。由是意銷發明。無漏謂之妙香。謂之密圓也。
名相可知。三義關四教者。四教觀門不出析體。三
藏教人。必析香以明空。今是行門。雖推四性。無非
藏教人。必析香以明空。今是行門。雖推四性。無非

妙體。以判三教者。隨其所悟法性真俗中之不同
爾。今香嚴所敍理齊圓頓。第約所證而言。惟在通
教四果。乃開圓而證偏。或循習而借位。因妙香而
莊嚴法身。故號香嚴童子。童子者。菩薩之別名。謂
其皆是童真之體。了無一毫情偽。非幼稚之稱也。
四宗藏理融歸圓頓者。所觀之境。約六塵顯。如來
藏。則攝屬香塵。約七大顯。如來藏。應歸何大。今以
木空。烟火四者言之。則攝屬地火空三大。莫非性
色。真空。性空。真色等。清淨本然。周徧法界。隨衆生
心。應所知量。循業發現。爲木爲火。爲空爲烟。攬三
法。而爲境顯。喚性而入道。

妙德瑩然。而徧周法界也。

○藥王藥上二法王子。并在會中。五百梵天。卽從座

起頂禮佛足。而白佛言。我無始劫爲世良醫。口中嘗

撰述

此娑婆世界。草木金石。名數凡有十萬八千。如是悉知苦酢鹹淡甘辛等味。并諸和合俱生變異。是冷是熱。有毒無毒。悉能徧知。承事如來了知味性。非空非有。非卽身心。非離身心。分別味因從是開悟。蒙佛如來印我昆季。藥王藥上。二菩薩名。今於會中爲法王子。○因味覺明。位登菩薩。佛問圓通。如我所證味因

二牒證結答

爲上

孤山曰。苦酢等六味也。衆味共成。名和合味。直爾采用。名俱生味。修鍊炮炙。名變異味。吳興曰。由事佛故。必聞正法。卽於味性。了生無生。空有謂味塵也。身心謂舌識也。以味從合中知。故相對言之。味非空故。非離身心。味非有故。非卽身心。中道之性。

於是乎顯

天台曰。四釋味塵圓通。初明境之通別。通論飲食具足五味。皆舌根所對之境。今別約藥性。草木金石爲味。如神農之嘗百草也。論此方醫經所載。寒熱溫涼。及以平和。不滿萬品。而天竺所說。則有十萬八千。或彼有此無。如雪山藥王。照人臘膽。而百病燎然。牛頭栴檀。療人沉疴。而諸藥失性。此方醫者。會所不知。十萬八千。自非侈語。二明觀之盈縮。初宗佛旨。釋其所悟者。此二菩薩。初爲世之良醫。因以是道。而承事如來。尋常獲聞法要。了知味性。無生言。非空非有等者。吳興云。空有謂味塵。身心謂舌識。今謂亦應準前。約四性推檢。若生於食。食非識有。云何自知。又食自知。卽同他食。何預於汝。名味之知。若生於空。汝歎虛空。當作何味。必其虛空。若作鹹味。旣鹹汝舌。亦鹹汝齒。則此界人。同於海魚。旣常受鹹了。不知淡。若不識淡。亦不覺鹹。必

無所知。云何知味。若復此味。生於汝舌在汝口。中只有一舌。其舌爾時已成酥味。遇黑石審。應不推移。若不變移。不名知味。若變移者。舌非多體。云何多味。一舌之知。若因識生識。自爲味。同於舌根。應不自嘗云何識知。是味非味。又一切味。非一物生味。旣多生識。應多體識體。若一體。必味生。鹹淡甘辛。和合俱生。諸變異相。同爲一味。應無分別。分別既無。則不名識法。身中道爲味真因。分別味因。從是開悟。名相準此。可知三義關四教者。藏教菩薩。分別味因。必是析法。今約四句。已是衍門。若悟。但空。則判屬通教。但中屬別教。不但中屬圓教。所宗藏理。會歸圓頓者。此二菩薩。已預上流。則所悟法門。同於性味。真空性空。真味清淨。本然周徧。法界。不妨隨淨緣。而分別味也。

○跋陀婆羅。并其同伴十六開士。卽從座起頂禮佛

五跋陀瓶燭二初發悟緣起

足而白佛言。我等先於威音王佛聞法出家。於浴僧時隨例入室。忽悟水因既不洗塵。亦不洗體。中間安然得無所有。宿習無忘。乃至今時。從佛出家。令得無學。彼佛名我跋陀婆羅。○妙觸宣明成佛子住。佛問圓通。如我所證。觸因爲上。

孤山曰。跋陀婆羅。此云賢守。亦云賢護。自守護賢

二牒蓋結答

德亦守護衆生。資中曰。準法華經。有二萬億威音王佛。前後出世。最初佛像法中。此跋陀等爲增上。憮毀常不輕。故千劫墮阿鼻獄。罪畢值後佛出家。吳興曰。水因謂所觸之因也。塵體卽能觸之緣也。塵旣無染體。亦常淨。能所如幻。一邊俱空。故中間覺觸之心。安然契性矣。泐潭曰。觸具三和。今翻爲

撰述

釋量

四

三德祕藏故名妙觸宣明也

天台曰。五釋觸塵圓通。初明境之通別。通論世間一切衣服寒暑等法。皆身根所對之觸。今約浴僧捨通從別。故曰水因。又須明乎損益。若毒刺傷足。其觸則損。柔軟細滑。其觸則益。今寄浴時。則損益事蹟。唯其事蹟而性空易顯。二明觀之盈縮。四初宗佛旨。釋其所悟。論觸不自觸。因根故而知觸。知不自知。因觸故而有知。今於浴時。實洗身根之垢塵。而曰既不洗塵。亦不洗體。何耶。蓋汗身者。色質所汗者。浮塵色塵。雖可滌。而浮塵固可滌。至於身根勝義。知冷暖者。何可滌。卽所知煖冷者。又何可滌。以是而觀。則觸塵本空。而身根本寂。因而中間生平身識。胡何有哉。故曰中間安然。得無所有。根塵識。當下脫去。則幻化空身。卽法身之道。體顯故曰妙觸。宣明成佛子住。然而旣曰忽悟水因。又曰宿習無忘。何習乎悟。因於威音王。佛忘習於釋迦如來。宜其思惑之羽目氣全在也。噫。道之易悟也。如此習之難忘也。如彼慶喜之不歷僧祇。獲法身洎談所證。才登三果。悟證二道之不齊。又從而可知矣。名相可知。三順說時。義闢四教。而曰今時從佛出家。令得無漏。謂之通教體色明空可也。而曰妙觸宣明成佛子住。謂之但中圓中。亦可也。四宗藏理會歸圓頓者。論此理至玄。不須重會。如欲會之。則援以覺觸覺知。妙德瑩然。徧周法界。圓滿十方。寧有方所。則理無不玄。事無不妙矣。

六迦葉觀法二初念悟緣起

○摩訶迦葉及紫金光比丘尼等。卽從座起頂禮佛

足。而白佛言。我於往劫於此界中。有佛出世。名日月

燈。我得親近聞法修學。佛滅度後。供養舍利。然燈續

撰述

卷五

明以紫金光塗佛形像。自爾以來。世世生生。身常圓滿紫金光聚。此紫金光比丘尼等。卽我眷屬同時發心。我觀世間六塵變壞。惟以空寂修於滅盡。身心乃能度百千劫。猶如彈指。我以空法成阿羅漢。世尊說我頭陀爲最。○妙法開明。銷滅諸漏。佛問圓通。如我所證法。因爲上。

二釋讚頌答

溫陵曰。摩訶迦葉大飲光也。其身金色。光吞日月。因觀塵變悟法空寂。遂修滅盡定。以滅意根。不緣法塵得無生滅。故超百千劫。如彈指頃。于今於鷄足山。待彌勒。乃入此定也。頭陀新云。杜多此翻。抖擻。以能抖擻法塵爲號。孤山曰。修於滅盡者。卽九次第定中。第九滅受想定也。長水曰。紫金光尼。在

撰述

校釋圖說卷五

家時婦也。天如補註曰。紫金光既同時發心。則非

一世眷屬也。

天台曰。六釋法塵圓通。初明境之通別。通則徧攝六塵。如曰。我觀世間六塵變滅。別則惟在法塵。如曰。我以空法成阿羅漢。法在小乘明矣。二逗便宜略消名相者。應如孤山所云。卽次第定中第九滅受想定故。欲修此定者。先須修前八定。以爲方便。八定成就。然後修最後定。九次第定者。一初禪次第定離諸欲惡。不善法有覺。有觀。離生喜樂入初禪定時。是中初禪定觀均齊。自識其心。次第而入。無有禪那雜念間入初禪定。是爲初禪次第定。二禪次第定者。若從非想非無想入滅受想定時。於是定前。自識其心。要期心利。心次第而入。無有刹那雜念。間入滅受想定。是爲滅受想次第定也。三順說時義。闡四教者。若析法而入屬藏教體。空而入屬通教體。但中而入屬別教體。圓中而入屬圓教。四宗藏理融歸圓頓者。如十二入中。卽心離心。一一推檢。俱不可得。法則與心俱無處。所則意與法。二俱虛妄。本非因緣。非自然性。常住妙明。不動周圓。

妙真如性顯矣。

觀五根體道五物那律觀照二初微經緣起

○阿那律陀卽從座起頂禮佛足而白佛言。我初出

撰述

卷五

家常樂睡眠。如來訶我爲畜生類。我聞佛訶。涕泣自

責。七日不眠。失其雙目。世尊示我樂見照明。金剛三

昧我不因眼。觀見十方。精真洞然。如觀掌果。如來印

二牒證結答

我成阿羅漢。○佛問圓通。如我所證。旋見循元。斯爲

第一

長水曰。那律卽阿菴樓駄。此云無貪。亦云如意。乃

白飯王子也。過去世。以一食施辟支感九十一劫。

受如意樂。孤山曰。增一阿含云。佛在給孤園爲衆

說法。那律於中眼瞶。佛說偈訶曰。咄咄何爲。瞶螺

蟬蛤類。一瞶一千年。不聞佛名字。那律於是達

曉。不眠眼根便失。因是修禪。得四大淨色。半頭而

見。觀三千界。猶如掌果。今云金剛三昧。觀見十方。

精真洞然而與昔異者。此經開顯故約內祕以談。昔引物機乃約現小而說。吳興曰。阿含云修禪蓋總略而示。今云金剛三昧。則別顯其名。非謂金剛惟喻大定。如阿難入電光三昧。斷最後思惑。亦名金剛三昧。此喻小乘無漏之智耳。智論云。那律天眼四大造色。半頭清淨佛天眼四大造色。偏頭清

淨天台智者云。三藏佛全頭天眼。微見無礙。故知全半之名。但約分滿相望。不以大小爲異也。又若據阿含觀大千。此經見十方。謂有優劣。固未可也。彼經云。那律天眼見十方域。不亦同乎。掌果之譬。既齊精真之言何別。下文明善現天。尚云精真現前陶鑄無礙。況今羅漢發真無漏。豈不得云精真。

60123456789

70123456789

80123456789

90123456789

接迦

妙法蓮華經卷五

洞然邪旋見循元者旋大千之見循真空之言見盡無明圓通著矣

天台曰。第二五根圓通中。初釋眼根圓通。初明境之通別。通則因塵。有知明暗空塞。皆眼根能顯之境。別則那律尊者。失雙目世尊示以三昧。則因暗而有見也。二明觀之盈縮。初宗佛旨。釋其所悟。那律因聞佛呵。啼泣自責。七日不眠。失其雙目。世尊示以樂見。照明金剛三昧。而曰。我不因眼。觀見十方。此則雖失肉眼。而得天眼。謂之樂見。照明金剛三昧者。祇旋見循元。見見非見。由此得菩提路。通達清淨實相也。二略消名相者。今經約眼根明常住真心。其義至謹。如初則屈指飛光驗見。不動次則觀河之見童耄無遷。以至見見之時。見非是見。然皆對空明色相以辨。若此尊者。既失雙目。則旋見循元。應約見暗之時。以顯其性。須知境雖不同。見無有別。是故世尊於會見歸心之始。示盲人觸暗。是心非眼。則當住十科無目與有目同途。卽於是而旋見循元。謂之樂見。照明金剛三昧。忽然衝破漆桶。天眼全頭發現。今獲半頭。謂齊眉已上能徹見大千也。三義關四教者。那律雖是聲聞。如此法門。斷非析色。但得見空。謂之體法。聲聞可也。兼見不空。分但中不但中。謂之別圓可也。四會歸圓頓者。經已顯圓。必欲再會。則亦援之以性見覺。明覺精明見。清淨本然。周徧法界。則臻其壺域矣。

○周利槃特迦。卽從座起頂禮佛足而白佛言。我闡

誦持無多聞性。最初值佛。聞法出家。憶持如來一句。

二周利槃特迦。初發信緣起

伽陀於一百日得前遺後得後遺前。佛愍我愚教我安居。調出入息。我時觀息微細窮盡。生住異滅諸行剎那。其心豁然得大無礙。乃至漏盡成阿羅漢。住佛座下印成無學。○佛問圓通。如我所證。反息循空斯爲第一。

二譯證持答

溫陵曰。槃特此云繼道。卽誦帝比丘也。長水曰。特

迦亦云蛇奴。於路所生。過去爲大法師。祕密佛法。不肯教人。後感愚鈍。以宿善故。遇佛出家。五百比丘同教一偈。經九十日不成。佛令數息攝心。因而了悟。

天台曰。二釋鼻根圓通。初明境之通別。通則鼻通出入息。出能取香。入能嗅香。以此而爲功能。今不取所嗅。所嗅別取。能取能嗅者。以爲所觀之境。二明觀之盈縮爲四。初宗佛旨。釋其所悟。而此尊者由宿昔秘密佛法。感愚鈍報。無多聞性。佛愍其愚。教以調息。蓋愚因散亂。調息所以攝其散也。經云。

60

70

80

撰述

校釋圖說卷五

置心一處。無事不辦。因茲得定。豁然無礙。而曰反息循空。是爲鼻根。既返元。六根成脫也。二逗便宜略消名相者。夫數息因緣爲入道要門。諸經所出法則不同。今依智者所立六妙門禪。與此相類。如一數二隨。卽最初調息出入也。三止四觀。卽我時觀息微細。窮盡生住異滅諸行剎那也。五還六淨。卽反思息循空也。○數息門。攝心在息。從一至十。名之爲數。行者爲修。無漏真法。先須調心入定。欲界麤散難攝。非數不治。故須善調身息。從一至十。則麤亂心息。心神停住。是爲入定之要。故以數息爲妙門也。○二隨息門。細心依息。知入知出。故曰爲隨行者。雖因數息心住。而禪定未發。若猶存數則心有起念之失。故須放數修隨。心依於息。入時知入。出時知出。長短冷暖皆悉知之。若心安明淨。因是則諸禪自發。故以隨爲門也。○三止門。息心靜慮。名之爲止。行者雖因隨息。心安明淨。而定猶未發。若心依隨。則微有起想之亂。澄渟安隱。莫若於止。故捨隨修止。是中多用凝心止也。凝心寂慮。

心無波動。則諸禪定自然開發。故以止爲門。○四觀門。分別推折之心。名爲觀。行者雖因止證諸禪定。而解慧未發。若住定心。則有無明昧著之垂。故須推尋檢折所證禪定。是中多起我等十六知見顛倒。旣分明。則知五衆虛誑。破四顛倒。用實觀四念處也。若觀心無無漏方便。因此開發。故以觀爲門。○五還門。轉心反照。名之爲還。行者雖修觀照而真明未發。若計有我能觀。折破於顛倒。則計我之惑還附觀而生。同於外道。故云是諸外道。計著觀空智慧。不得解脫。若覺此患。卽當轉心反照。能觀之心。若知能觀之心虛誑無實。卽附觀執我。倒自亡。因是無漏方便。自然而朗。故以還爲門。○六淨門。心無所依。妄波不起。名之爲淨。行者修還之時。雖能破觀之倒。若真明未發。而住無能所。卽是受念。故令心智穢濁。覺如此已。不住不著。泯然清淨。因此真明開發。卽斷三界結使。證三乘道。故云其清淨得一心者。則萬邪滅矣。以淨爲門。意在此也。三頤說時。義闡四教者。尋常所說。謂數息法。

撰述

惟在小乘智者義釋謂通四教以經有云。阿那般
那卽摩訶衍故大小隨人猶大福德人見土石瓦
礫無非珍寶若薄福人雖見伏藏謂爲虎蛇疾走
而去矣。四宗藏理會歸圓頓者自其反息循空而
言則與性覺真空性空真覺清淨本然周徧法界
無別自窮盡生住異滅諸行剎那其心豁然得大
無礙而言則與性空真風性真空無二也。

三橋慈觀舌二初敍悟緣起

○憍梵鉢提卽從座起頂禮佛足而白佛言我有口
業於過去劫輕弄沙門世世生生有牛呴病如來示
我一味清淨心地法門我得滅心入三摩地觀味之

知非體非物應念得超世間諸漏內脫身心外遺世

界遠離三有如鳥出籠離垢銷塵法眼清淨成阿羅

二牒證結答

漢如來親印登無學道○佛問圓通如我所證還味

旋知斯爲第一

溫陵曰憍梵鉢提此云牛呴牛凡不食亦事虛哨

此人口如牛之哨乃輕弄報也佛爲遮謗賜之數

撰述

卷五

三五

珠令常念佛。是謂一味心地法門能滅心緣。得入正受。亦因教觀舌根。嘗味入道不著塵味。不隨妄知。是謂還味旋知也。孤山曰。了味無味。名爲一味。雖舉味塵。蓋顯於舌。故卽云觀味之知。能知乃舌耳。非體舌也。非物味也。內脫身心。卽正報解脫。外遺世界。卽依報解脫也。

天台曰。三釋舌根圓通。初明境之通別。嘗味之知論。通通於衆味論。別別在五味之一。如藥王以嘗藥而顯性。卽其事也。今此尊者云。觀味之知。雖不必分於通別。而以異舌知味。異舌卽別也。知味卽通也。此亦通時常別。別時常通之流例也。二明觀佛之盈縮。初宗佛旨。釋其所悟。以此尊者有牛吼病佛爲遮謗。賜以數珠。人見口中稱佛。了無牛吼之相。此遮謗者一也。然以感報異舌。此境最親佛。就其現境。親者觀之。觀之則心安而境寂。境寂則其舌不動。了無牛吼之相。此遮謗者二也。而云觀味之知。非體。非物。體卽舌根。物卽味塵。味塵有三。甜苦淡。準前以顯性。應約四句推檢。如是嘗苦淡知。非甜苦來。非藏淡有。又非根本出。不於空生云。佛所說法。說則必中。是以懷念得超世間諸漏味。知非體。所以內脫身心。非物。所以外遺世界。遠離三有。如鳥出籠。言得解脫之快。也如此名相可。三義關四教者。觀味之知。非體。非物。成阿羅漢。通教明矣。若體但中。卽成別教。若體圓中。卽成圓教。

撰述

標題通鑑卷五

四會歸圓頓者了見聞知性圓周徧本不動搖卽性嘗明知覺精明嘗清淨本然周徧法界也

四單凌觀身二初叙悟緣起

○畢陵伽婆蹉卽從座起頂禮佛足而白佛言我初發心從佛入道數聞如來說諸世間不可樂事乞食

城中心思法門不覺路中毒刺傷足舉身疼痛我念有知知此深痛雖覺覺痛覺清淨心無痛痛覺我又思惟如是一身寧有雙究竟攝念未久身心忽空三七

日中諸漏虛盡成阿羅漢得親印記發明無學○佛證結答

問圓通如我所證純覺遺身斯爲第一

孤山曰畢陵伽婆蹉此云餘習昔爲婆羅門故餘習多憮如罵河神爲婢非彼實心蓋習氣也溫陵曰不可樂事一切苦事也思不可樂法而觸不可樂事吳興曰知卽覺也刺傷足時雖有能覺之心

覺於所覺之痛。反觀覺心本自清淨。無有能所。

覺屬身識能覺。屬意識。由身識生已次起意識。分別前法。故曰雙覺。卽上文云我念有知。知此深痛也。覺清淨心。即是純覺。無痛痛覺。故曰遺身。天如

補註曰。無痛痛覺者。即是無所覺復無能覺也。

天台曰。四釋身根圓通。初明境之通別。通則知寒熱。痛癢等。皆屬身根。今別從痛覺以爲境也。二明觀之盈縮。初宗佛旨。釋其所悟。數聞來說。諸世

間不可樂事。通而言之。卽入苦也。思不可樂法。觸不可樂事。舉身疼痛。適當痛苦。念念在道者。不著此痛。卽以所痛而爲之境。此境最親。以觀觀之。檢之。疑之。如曰。我念有知。知此深痛。知痛者。身根也。痛觸塵也。忘以身根之覺。覺此所覺痛觸能所。歷然其疑檢者一也。正當如此之時。又則反覺其清淨真心。本無能所。故曰。雖覺覺痛覺清淨心無痛。痛覺其疑檢者二也。我又思惟。如是一身。寧有雙覺。謂一身止有一覺。豈有一箇有能所之覺。又有箇無能所之覺乎。其疑檢者三也。佛所說法。應機投藥。知其根熟。必因此而得悟。預鑒有痛觸之事。故爲說不可樂事之法。以導其進。故得疑之。檢之。攝念未久。身心忽空。三七日中。諸漏虛盡。成阿羅漢。此純覺。遺身之法門也。或問曰。純覺者。爲離能所之覺。別有純覺乎。爲卽能所之覺。而爲純覺乎。對曰。卽卽而離。卽離而卽。謂之純覺。何也。若離而有者。如是一身。寧有雙覺。若卽而有者。覺清淨心。無痛痛覺。要知卽能所之覺。元無能所。如此悟

接連

謂之純覺。義闢四教者。如餘習尊者所悟。雖玄及。其敘證。但阿羅漢。通教體。觀明矣。若純覺。卽中。卽別圓教也。會歸圓頓者。經云。覺觸覺知。妙德瑩然。徧周法界。圓滿十方。寧有方所。卽空不空。如來藏性之圓覺也。

五空生觀意之初敘悟緣起

○須菩提卽從座起。頂禮佛足而白佛言。我曠劫來

心得無礙。自憶受生。如恒河沙。初在母胎。卽知空寂。如是乃至十方成空。亦令衆生。證得空性。蒙如來發性。覺真。空空性。圓明得阿羅漢。頓入如來。寶明。空海。

二牒證結谷

同佛知見。印成無學。解脫性空。我爲無上。○佛問圓通。如我所證。諸相入非。非所非盡。旋法歸無斯爲。弟一

吳興曰。諸聲聞中。惟此空生。并下身子。滿慈三人。

所叙昔因。則云我曠劫來。心得無礙等。洎談所證。亦阿羅漢耳。權實之道。未易甄分。嘗試訂之。須明。

撰述

校讎圖說卷五

五

二義。一者若據曠劫心得無礙。則似此身以前曾獲無漏。今生值佛蒙發性覺諒非小乘。蓋由在昔方等般若之中。彈訶淘汰之際。顯聞圓教密悟大猷。既涉開權故彰實證。是則羅漢之名卽同法華真阿羅漢也。二者若約內祕外現。且作權教而解亦有理存焉。以聲聞人所得宿命能知八萬劫事。

今述談所見謂之無礙也。雖云在胎知空。乃至令他證性猶未斷結使。故蒙佛開發方成無學。若爾性覺真空。乃至下文深達實相皆就小宗分別無咎。名同體異。斯例甚多。故沉師亦以石室見佛法身釋茲空義資中曰。初以單空空於諸相。故云諸相入非。次以重空空其空相。故云非所非盡。

換述

天台曰。五釋意根圓通。初明境之通別。意根所緣法塵。以法則之。不出三性。若諸經三昧。以觀破之。善惡無記各緣。其境則別。天台覺意三昧。三事都緣。其境則通。今此圓通不言別緣何性。但云旋法歸無。乃通途而觀也。二明觀之盈縮。初宗佛旨。釋其所悟。而云我曠劫來。心得無礙。如是乃至十方成空。則此尊者素以空觀。空其法塵位。在解行明矣。亦令衆生。證得空性。此則以空法而教人。令破惑以證空也。蒙如來發性。覺真空。空性圓明。得阿羅漢。乃方於此世。自入證道位也。頓入如來。實明空海同佛知見。於教何歸乎。但以得阿羅漢。印成無學解脫性空。我爲無上觀之。則在昔小乘。孰不謂從佛口生。從法化生。入佛知見。是亦但空而已。言諸相入非者。諸相法塵也。入非入空也。非所非盡者。非但所非之相皆盡。卽能非之空亦空。所謂如前火木。然諸薪已。亦復自然也。義闡四教者。觀其所敘。旣不言析法體空明矣。若發明中道性覺。真空。則受別圓來接也。會歸圓頓者。於是了然達。

性覺真空。性空真覺。清淨本然。周徧法界。不變隨緣。隨緣不變。斯入此經。空平等理也。

三觀六識悟道六初身手觀眼識二初鼻舌識起

○舍利弗卽從座起。頂禮佛足。而白佛言。我曠劫來

心見清淨。如是受生。如恒河沙。世出世間。種種變化。

一見則通。獲無障礙。我於路中。逢迦葉波。兄弟相逐。

宣說因緣。悟心無際。從佛出家。見覺明圓。得大無畏。

成阿羅漢爲佛長子。從佛口生。從法化生。○佛問圓

撰述

至

通如我所證心見發光光極知見斯爲第一

溫陵曰心見眼識也。心見發光光極知見者由心

見發明而圓照萬法也。身子智慧第一。聲德居長

故稱長子。吳興曰世出世間四諦之境也。種種變

化生滅之相也。由眼識明利故云一見則通等。此

且約解言之。圓師謂餘經皆言身子路逢馬勝聞

諸法從緣生而悟道今云逢迦葉波者彼對小機

止聞小法此對大機乃聞大道所聞既異從人亦

殊此恐不然觀身子在家屬十二年前故不可以

人而異於法也況今文云聞說因緣義同馬勝緣

生之語悟心無際節初果見道故阿含明初聞馬

勝說法得須陀洹果後至佛所七日偏達佛法又

60

70

80



云經十五日得阿羅漢以是言之見覺明圓亦從小說設作大解則前之悟心須該四果後云羅漢方受真名天如補註曰餘經說身子目連等從馬勝聞因緣義與今說異者或可聞因緣義非止一人彼此互出

天台曰第三六識圓通中初釋眼識圓通初明境之通別通則分別明暗色空別則緣四之一然色因明暗與空三事而顯舉色卽已收其三於色不

出乎五五色俱緣謂之通各緣其一謂之別今所緣者其境又寬則十入少分也不惟綠色亦復綠心以其四諦俱緣此係眼識異乎眼根故也次明觀之盈縮初宗佛旨釋其所悟旣曰我曠劫來心見清淨則依眼識修自非一生言清淨者不從眼識緣塵分別也二十五有因果爲世間法三乘因只是爲出世間法緣塵分別則苦爲苦集爲集不見道滅惟其於世間法一見而知苦斷集反是則爲修道而證滅故曰一見則通獲無障礙雖然但依此而修未獲真證故於此世路逢良友宣說因緣悟心無際夫因緣爲新醫破邪之妙法佛未出世誰不行終是舊醫藥無勝效故一遇金鉗頓銷翳膜矣見覺卽心見始雖見覺未得明圓今旣悟心得大無畏而言心見發光光極知見者乃一根旣返源六根成無畏也然與那律法門同而異者眼根三昧以體無分別爲用故云旋見循元眼識三昧以分別爲功效故曰心見發光光極知見三義關四教者據一見則通獲無障礙爲言體法明

模述

大藏經卷五

卷五

空明矣。若體法卽中分但不但別圓來接可知。會歸圓頓者。若以藏理融之。卽性識明知覺。明真識妙覺湛然舍吐十虛。寧有方所也。

二普賢觀耳識二初寂靜緣起

○普賢菩薩卽從座起頂禮佛足而白佛言。我已曾與恒沙如來爲法王子。十方如來教其弟子。菩薩根

者修普賢行。從我立名世尊我用心聞分別衆生所有知見。若於他方恒沙界外有一衆生。心中發明。普賢行者。我於爾時乘六牙象分身百千。皆至其處。縱

彼障深。未得見我。我與其人暗中摩頂。擁護安慰。令

其成就。○佛問圓通。我說本因心聞發明。分別自在。

斯爲第一

構李曰。行彌法界曰普。位鄰極聖曰賢。此非地前

之賢。乃是金剛喻定居衆伏之頂。名之爲賢。溫陵

曰。凡具大根修菩薩行。皆名普賢之行。心聞耳識

撰述

釋論圓通卷五

六四

也。分別衆生知見者。擇普賢行而成就之也。孤山曰。心聞發明內證也。分別自在外用也。

天台曰。一釋耳識圓通。初明境之通別。耳識分別惟在於聲。此意則局今此菩薩。既云我用心聞。分別衆生。所有知見。此意則應偏於六塵。如曰知見。則偏於法塵。若禮拜稱名。能感菩薩。則偏於色聲。餘準可知。二明觀之盈縮。初宗佛旨。釋其所悟。文殊雖曰。心聞洞十方。生於大因力。非初心方便。謂非娑婆初心。方便可爾。豈有無始之終乎。故首楞嚴百八三昧。中有分別衆生諸心數法三昧。要知以耳識分別所有衆生。亦有從微至著工夫。鏡淨明生。其體自現。若與觀音耳聞論同異者。一因是初心方便。二境異。乃耳根圓通。三聞異。拔苦爲先。四教言之的。在圓教全體藏性。無煩和會。

三論PC翻譯

○孫陀羅難陀卽從座起頂禮佛足而白佛言。我初

出家從佛入道。雖具戒律於三摩地。心常散動。未獲

無漏世尊教我。及拘締羅觀鼻端白。我初諦觀。經三

七日。見鼻中氣出入。如烟身心內明。圓洞世界。偏成

虛淨。猶如琉璃。烟相漸銷。鼻息成白。心開漏盡。諸出

入息化爲光明。照十方界。得阿羅漢世尊記我。當得

提述

二譯證結答

菩提○佛問圓通我以銷息息久發明明圓滅漏斯爲第一

孤山曰。孫陀羅云好愛妻名也。難陀云歡喜已號也。慈恩兩名共翻艷喜爲簡放牛難陀故標其妻乃如來親弟也。溫陵曰前數息依根所以攝心此觀白依識所以駐心也。息由風火而起鼓煩惱濁

故其狀如烟昧者不覓惟諦觀能見六交見火燒息能爲黑烟紫燄皆煩濁所發也淨觀發明則煩濁漸消故內明外虛而烟銷成白及乎漏盡無復煩惱內瑩發光故出入息化爲光明也吳興曰由觀鼻識似發十六特勝禪也此禪始從知息出入乃至觀於棄捨攝四念處能見三界九地所證境

撰述

校讎

卷五

界故云圓洞世界等。又能於地地中以觀照了破四顛倒。發真無漏故云心開漏盡等。亦可是通明之相。禪門備焉。記卽印成當猶是也。菩提云道。如

前文云得親印記發明無學。若作受記未來當得

佛果菩提者卽二酥密記或醍醐顯記

天台曰。三釋鼻識圓通。初明境之通別。鼻以嗅香爲用。司息爲門。此通境也。今因治散觀鼻端白是眼所對。本非正境。觀後結文乃云。我以銷息。息久

發明。是爲正所對境。豈非初借鼻端之白爲綠。令其心細。然後因是以觀息乎。次明觀之盈縮。初宗佛旨。釋其所悟於三摩地。心常散動者。綠境既多。故其心不一觀。鼻端白能一其心者。所謂置心一處。無事不辦。此治散之初門也。久之而其心自細。心細而出入之息自見。息由風大鼓煩惱濁。故心之散動。由息風之所司。琉璃光之觀界。觀世觀身觀心。諸動無二。皆是妄緣風力所轉者。以此。此治散之妙門也。經三七日。見鼻中氣出入如烟。至於觀成。則諸出入息化爲光明。照十方界。此可與琉璃光。鳥芻瑟摩二法同參。二略消名相。卽十六特勝禪也。○知息入修習特勝之初。正依隨息。故以知息入爲門。卽代初數息調心之法。所以然者。數息則閼心。而數故觀慧不明。今知息入。則照息分明。故解慧易發。是以用知息入爲調心法也。若將十六特勝。橫對四念處者。從知息入去。有五特勝。並屬身念處觀。○二知息出修特勝者。當以此知息出。代數息。初調心之法也。意如前釋。若對念處

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

猶屬身念處觀也○三知息長短修特勝者。籍觀以調心。心既淨細則照了。漸明若得麤住細住。及欲界定定中暗鄣薄卽便覺息入出長短之相也。若對念處猶屬身念處觀也○四知息徧身修持勝者。從欲界定與觀相扶入未到地故證未到地。定期卽覺身及定法悉皆虛假。息之入出徧身微微如有如無。既於定中照了。分明染著心薄也。若對念處猶屬身念處也○五除諸身行修特勝者從未到地。欲入初禪時常應觀析。因此若發初禪覺觀之法。則身心豁然開朗。如明眼人。開倉卽自了了見倉中所有。分別所證境界皆虛假空無人我既無人我誰作諸事。誰受禪定是則顛倒所起身業皆悉壞滅故云除諸身行。若對念處齊此猶屬身念處觀○六受喜修特勝者既常與觀慧相應。若證初禪喜受喜若對念處從此有三特勝並屬受念處觀七受樂修特勝者卽常與觀慧相應。若證初禪得樂支時卽能覺了。便於樂支不起見著。以無所受

而受樂觸故云受樂。若對念處猶屬受念處觀○八受諸心行修特勝者既常與觀慧相扶若證初禪一心支時卽能照了一心不起顛倒於一心中獲得正受故云受諸心行。若對念處齊此猶屬受念處觀也○九心作喜修特勝者離初禪入二禪時常自照了。因是若發二禪內淨喜則真喜從觀慧而生。故名心作喜若對念處從此有三特勝並屬心念處觀也○十心作攝修特勝者既因觀慧心得立禪一心支卽照了一心。因是倒想不起故云心作攝也。若對念處猶屬心念處觀○十一心作解脫修特勝者離二禪入三禪常有觀照是故若發三禪卽能照了。雖得妙樂心不號著無累自在故云心作解脫。若對念處齊此猶屬心念處觀十二觀無常修特勝者離三禪入四禪時常修觀照是故若發四禪不動定期卽自觀達定中心識虛妄念念生滅故云觀無常也。若對念處從此有五特勝皆屬法念處觀○十三觀出散修特勝者從四禪入虛空處時加修觀智。內外照了。是故

接述

校勘記

證空定之時。卽知能離色界緣空之識。自在逍遙而虛誑不實。心不愛著。故云觀出散。若對念處猶屬法念處觀。○十四觀離欲修特勝者。離虛空處。猶定入識處時。常以觀慧內自推檢。欲離虛空處。離欲之心。是故發識處定。卽能觀達識定。虛誑不實心不愛著。故云觀離欲。若對念處猶屬法念處。觀○十五觀滅修特勝者。離識處入無所有時。以智照了。所修之境能修之心。是故若發無所有處。定卽自觀達無所有處。虛誑不實。心不住著。故云觀滅。若對念處猶屬法念處觀。○十六觀棄捨修特勝者。離無所有修非有想。非無想定時。卽以智觀察所修之法能修之心。是故若發無想定時。卽觀照分明。知非想處兩捨之定。猶有細想。四衆和合而有虛誑不實。非是涅槃安樂真法。則心不愛著。特勝行者。若於地。地修觀照了。則地。地之中。顛倒不起。心不染著。隨其因緣會處。卽於是地。發真無漏證。三乘道略。辯特勝竟。言少。則意難見。讀者必須細心比類。令知地。地之中。與根本禪。四空證。

定。一往雖同。而觀慧有別也。○三義關四教者。以證果言之。云得阿羅漢。又曰當得菩提通教體。法明。空。明矣。若體法。卽中。則受別圓來。接會歸圓頓者。以息風言之。則爲性風。以煩惱濁言之。則爲性火。以鼻識言之。則爲性識。皆本如來藏。妙真。如性清淨。本然周備法界者也。

四清慧觀舌識二初敍解釋起

○富樓那彌多羅尼子。卽從座起頂禮佛足。而白佛

言。我曠劫來辯才無礙。宣說苦空。深達實相。如是乃至恒沙如來祕密法門。我於衆中微妙開示。得無所

畏。世尊知我有大辯才。以音聲輪敍我。發揚我於佛

標題

卷五

五

五

前。歎佛轉輪。因師子吼成阿羅漢。世尊印我說法無

上。○佛問圓通。我以法音降伏魔窓。銷滅諸漏。斯爲

第一

溫陵曰。說法第一。辯才無礙。因以降魔滅漏。皆古

識力也。佛以身口意三輪應物。無滯音聲。卽口輪也。吳興曰。宣說下指小乘法。如是下示大乘義。始

阿含終。般若故云乃至。增一禰滿慈子說法最爲

第一。大品中轉教諸菩薩摩訶般若。卽其相也。追

叙得道若權若實。如前辯之。

天台曰。四釋舌識圓通。初明境之通別。舌以分別滋味。語言宣說爲用。其境則通。今說法以入圓通。其境則別。次觀之盈縮。初宗佛旨。釋其所悟。我曠劫來。辯才無礙。文殊所謂說法弄音文。開悟先成者。是也。餘如會解所說論此法門似難成立。以辯才無礙。自是舌根法音降伏魔窓。自是音聲與舌識何預。要知圓通法門。根塵識三。必連帶而起。亦連帶而觀。如說法入道。本以大智慧爲之先導。不延識心。不著句味。而宣敷世出世智。言有方分。理

撰述

釋解

無窮盡。此又五識。五意識。同時具足。至於一根返源。六根解脫。此則縛則俱縛。解則俱解。脫則俱脫。道理之必然。讀者當得之。言外可也。義闡四教者。宣說苦空。深達實相。此屬阿含三藏教也。如是乃至恒沙如來。祕密法門。我於衆中微妙開示。得無所畏。此屬方等耶。談四教也。以音聲輪教。我發揚我於佛前。取佛轉輪。此般若耶。談三教也會歸圓頓者。卽說法之舌。識爲性識之明。知妙德瑩然。徧周法界也。

五優波離身識

初敍答

○優波離卽從座起。頂禮佛足而白佛言。我親隨佛逾城出家。親觀如來。六年勤苦。親見如來降伏諸魔。制諸外道。解脫世間貪欲諸漏。承佛教戒。如是乃至

三千威儀八萬微細。性業漲業悉皆清淨。身心寂滅。

成阿羅漢。我是如來衆中綱紀。親印我心持戒修身。

衆推無上。○佛問圓通。我以執身。身得自在。次第執

心得通達。然後身心一切通利。斯爲第一。

孤山曰。優波離此云上首。以其持律爲衆綱紀故。

或翻近執。以佛爲太子時。彼爲親近執事之臣。故

校讎

校讎

三

溫陵曰。言親隨親觀乃至承教皆明身識欽承也。行住坐卧律儀各二百五十。對三聚成三千。復以三千配身口七支成二萬一千。復配四分煩惱成八萬四千。性業卽殺盜婬等。根於性者。遮業。卽支未愆失。因過遮止者。律中得度波離第一。僧中得度陳那最初。故今堂置陳那壇。置波離各立本也。

吳興曰。圓師爲次第執心者。由戒清淨故。發定慧也。此恐未然。按下文云。先持聲聞四棄。八棄執身不動。後行菩薩清淨律儀。執心不起。是則執心非約定慧明矣。然以身心配于大小。此據麤細一徃分之菩薩。非不檢身聲聞亦防意地。如諸篇聚制遠方便。豈非意地乎。今所叙者。正言其小。故執身

撰述

大藏經卷三

及心。從麤至細。以防身識之微也。身識既滅。真智現前。斯所謂戒淨有智慧。使得第一道。

天台曰。五釋身識圓通初明境之通別。身識分別。通而言之。順情之觸。違情之觸。非順非違。平平之觸。今持戒。執身。身得自在。去順觸。而但依違觸。競業業。亦不落無記之觸。以爲別境也。次明觀之。盈縮。初宗佛。皆釋其所悟。初叙依身識。欽承如來次叙依身識。奉持戒律。義釋如舊可知。次略消名相者。戒律雖多。不出五篇七聚。五篇者。一夷。卽媱殺。盜妄。四波羅夷。比丘四條尼。八條。二殘。卽十三僧殘。比丘十三條尼。十七條。三提。卽三十尼薩耆。九十四波逸提。比丘二十條尼。二百八十條四尼。卽四提舍尼。比丘四條尼。八條。五吉。卽突吉羅。比丘一百條尼。一百條。七聚者。一棄。二衆。三三醜惡。四思議乎。

障^七五可呵。六惡作七惡說。若大乘菩薩戒。則十波羅夷。四十八輕垢罪也。義闡四教者。我以執身。身得自在。次第執心。心得通達。三藏可知。至於身心一切通利。聞方等彈訶。漸漸心相體信。卽比丘之律儀爲菩薩之三聚。通別圓教可階矣。會歸圓頓者。尋常六識。尚卽如來藏性。豈持戒淨體。非圓頓法門妙德。瑩然徧周法界。圓滿十方。無有方所。無作妙成。可思議乎。

六百達觀意識二初叙悟錄起

○大目犍連。卽從座起。頂禮佛足。而白佛言。我初於

路乞食。逢遇優樓頻螺伽耶那提三迦葉波宣說。如來。因緣深義。我頓發心得。大通達。如來惠我袈裟。著

身鬚髮自落。我遊十方得無量礙。神通發明。推爲無

上成阿羅漢。寧惟世尊。十方如來歎我神力。圓明清

淨。自在無畏。○佛問圓通。我以旋湛心光發宣。如澄

濁流久成清瑩。斯爲第一。

二牒證結答
孤山曰。優樓頻螺此云木瓜。簷胸前有窿如木瓜
故伽耶山名。卽象頭山也。亦云城城。近此山故。那

提河名。一兄二弟故身于云逢迦葉波兄弟。卽其

人也。溫陵曰。因緣深義。謂非世間和合麤相。乃發

明世出世法。故因之發心。得大通達。神通如意也。

旋湛者。旋意識而復妙湛。故久成清瑩。通力圓明。

清淨自在也。吳興曰。神名天心。通名慧性。而此心

性卽意識發明也。大乘發如來藏。小乘發根本禪。

六神通中。惟漏盡通是其內證。餘之五通皆屬外用。

天台曰。六釋意識圓通。初明境之通局。意識所緣。通於三性。其他三昧或各緣一性。如無行經貪欲。即是道。嗔恚亦復然。如是三法中具一切佛法。此惟緣惡如止觀中說。若法華誦經。觀音數息皆緣善性。如覺意三昧。則三性通緣。今此三昧云。我以旋湛。心光發宣。亦覺意之流類也。二明觀之盈縮。初宗佛旨。釋其所悟。初叙路逢勝友。聞說因緣。而頓得通達。則出家之緣在三迦葉波次。叙後見如來惠我袈裟。而鬚髮自落。成阿羅漢。則得道之緣。正謂如來近有講者。不信如來神力。使之鬚髮自落。謂若如所云。則是恠物。抑何鄙哉。三叙感得神通。

遊戲十方。而得無罣礙。此皆傍序。非正叙也。末云。我以旋湛。心光發宣。如澄濁流。久成清瑩。方正陳意識。所入圓通。言旋湛者。正反其意識所緣。生住異滅。生成法則。至不生滅。圓湛之性。反妄歸真之意也。旋湛既久。心之本有。神通光明。自然發現。如澄濁流。久成清瑩。譬喻極是分明。所謂明相精純。一切變現。不爲煩惱。皆合涅槃。清淨妙德是也。應知此門雖與耳門三昧不同。亦具四種殊勝功德。一是諸法之總能。具能造故。二是諸大乘經。所詮顯故。三是禪教諸祖。所直指故。四是此經所密示故。故文殊揀選偈。但云。神通本宿因。何關法分別。念緣非離物。云何獲圓通。一揀宿因。二揀作意。未嘗言。旋湛之非。其意槩可見矣。義闡四教者。旋湛澄濁證偏真理。通教明矣。若發宣中道。心光分不但。不但別圓來接可知。會歸圓頓者。若於此經悟明。六處識心。離四句絕。百非則性。識明知覺。明真識妙。覺湛然。徧周法界也。

挨道

初解正疏卷三

三五

四觀七大悟道七劫烏芻瑟摩觀火大二劫叙悟緣起二初遇佛開教

○烏芻瑟摩於如來前合掌頂禮佛之雙足而白佛言我常先憶久遠劫前性多貪欲有佛出世名曰空

王說多婬人成猛火聚○教我徧觀百骸四支諸冷

煖氣神光內凝化多婬心成智慧火○從是諸佛皆

呼召我名爲火頭我以火光三昧力故成阿羅漢心

發大願諸佛成道我爲力士親伏魔窓○佛問圓通

二譯指釋成

二譯證結答

我以諦觀身心煖觸無礙流通諸漏既銷生大寶燄
登無上覺斯爲第一

溫陵曰烏芻瑟摩云火頭卽火頭金剛也多婬人本由煖觸迫發生爲欲火死爲業火業力增熾故成猛火聚也吳興曰徧觀四大皆是觸塵之境百骸四支地也諸冷煖氣卽水火風也三昧旣者

撰述

卷五

故曰神光內凝以多欲人火大偏盛故變媱火而成智火成阿羅漢下謂成小果後發大願將非普現色身以執金剛神輔佛揚化者乎

天台曰第四七大圓通中初釋火大圓通初明境之通別通而言之有無情之火。有有情之火。今別從身中四大有情之火以觀圓通也。次明觀之盈縮初宗佛旨釋其所悟佛所說法被機不同。被小乘機對性多貪欲者令修不淨觀。今被大乘機令化多媱心成智慧火。夫性火真空性空真火。清淨本然周徧法界隨衆生心應所知量始既不變以隨緣故應爲身中四大之火亦復隨緣而不變。若

隨媱欲染緣成猛火聚卽順貪欲性造智慧性應所知量也。若順智慧性逆貪欲性徧觀百骸四肢諸冷暖氣觀之既久則神光內凝化多媱心成智慧火一逆一順一昇一降豈有他法哉故無行經云貪欲卽是道嗔恚亦復然如是三法中具一切佛法佛法正指隨緣不變之性能體道者方其貪欲等性起時不順其性卽逆用智慧徧觀貪欲之性不變而隨緣隨緣而不變如烏芻瑟摩云云則貪欲卽是道者得矣從是諸佛皆呼召我名爲火頭者由性多貪欲其火熾盛多媱心人成猛火聚者以此今化多媱心成智慧火故其談性變爲火光亦復以此論七大皆人身所具若一大現起名事造六火冥伏爲理具今從事造現起者言之名爲火頭金剛也

○持地菩薩卽從座起頂禮佛足而白佛言我念往

二持地觀地大二初發悟緣起二初遇佛受教二初歷值諸佛具修福業

撰述

妙法蓮華經疏卷五

昔普光如來出現於世。我爲比丘。常於一切要路津口。田地險隘。有不如法。妨損車馬。我皆平填。或作橋梁。或負沙土。如是勤苦。經無量佛出現於世。或有衆生於闔闔處。要人擎物。我先爲擎。至其所詣。放物卽行。不取其直。毘舍浮佛。現在世時。世多饑荒。我爲負人。無問遠近。惟取一錢。或有牛車。被於泥溺。我有神力。無所觸。

○我於法性悟無生。忍成阿羅漢。廻心今入菩薩位。中聞諸如來宣妙蓮華。佛知見地。我先證明。

力爲其推輪。拔其苦惱。時國大王延佛設齋。我於爾時。平地待佛。○毘舍如來摩頂。謂我當平心地。則世

界地。一切皆平。○我卽心開見身微塵。與造世界所有微塵等無差別。微塵自性。不相觸摩。乃至刀兵亦

無所觸。○我於法性悟無生。忍成阿羅漢。廻心今入菩薩位。中聞諸如來宣妙蓮華。佛知見地。我先證明。

二因悟獲證

二別值毘舍親承開示

二因教獲證二初正陳悟旨

撰述

釋藏結答

卷五

五

而爲上首○佛問圓通我以諦觀身界二塵等無差

別本如來藏虛妄發塵塵銷智圓成無上道斯爲第

一

吳興曰身界微塵乃至刀兵者以此皆是地大所造之色卽因緣所生法也微塵無差空也自性不觸中也三諦具足非如來藏乎悟無生等由分證

法身而權取小果故以無生忍商之初自度後化他是謂迴心也毘舍浮云徧一切自在

天台曰二釋地大圓通初明境之通別別而言之有身中之地大依報之地大今此菩薩則內外通觀造世界微塵依報也身微塵正報也等無差別不相觸摩圓融會歸如來藏性二明觀之盈縮初宗佛旨釋其所悟初陳利物之懷次陳值佛之緣利物中平填險隘爲正擎物推輪爲傍兼下值佛之緣正言入道便宜也蓋如來說法多就宿習便宜者而開導之如金師之子教以數息漂師之子教以不淨皆其事也故毘舍如來就其數數填地于今平地教以當平心地則世界地一切皆平佛意謂平地利物與平地待佛豈非自利利他之矣行

第世界無邊衆生無量。徒以區區之神力。何能弘傳濟之道。心故令但務其本。弗求其末。維摩所謂惟其心淨。則佛土淨是也。佛土苟淨。則攝受一切衆生。歸於妙土。尚何不平之有哉。須知此語復有通別。通則心爲諸法之總。心平則一切皆平。別則正當此經性色真空性空真色清淨。本然周徧法界者爲心地。隨衆生心應所知量者爲一切。不了隨緣不變。謂之心地不平。不了不變隨緣。謂之一切不平。若能了此。即是心地平。世界地皆平。惟其隨聞獲悟。稱性觀中。故卽心開證入藏性。身微塵正報之地大也。造微塵依報之地大也。此隨衆生心應所知量者也。等無差別。微塵自性。不相觸摩等。此悟隨緣而不變。卽性色而真空也。我於法性悟無生忍者。謂於地大之色法。得悟如來之藏性也。論所敍法門。可謂至圓。悟無生忍。而止證阿羅漢者。正以身爲比丘。當聲聞像雖能利物。而自了心多。故雖惑破無明。而但果成羅漢。亦聞常取果之流也。先出三界。自利竟。然後入界以利人。故曰。

回心今入菩薩位中。聞諸如來宣妙蓮華佛。知見地。我先證明。而爲上首者。文見普門品末。蓋法華爲一大事。因緣欲令衆生開示悟入。佛之知見。以證諸法實相。今持地所悟。當諸法實相之一法。一卽一切。自既證已。方知佛說不虛。故爲法華會衆。而作實相證明也。或執此語。判此經在法華後者。不知楞嚴有前後分。前分有次後分。不次後雖不久。攝後歸前方。無餘論也。

豎文可知。餘科不贅矣。

三月光觀水大二初敍悟緣經二初值佛受教

昔恒河沙劫。有佛出世。名爲水天。教諸菩薩修習水觀。入三摩地。○觀於身中。水性無奪。初從涕唾。如是

二依教修觀二初備陳修行二初止作意

撰述

校讎

窮盡津液精血大小便利身中旋復水性一同見水

身中與世界外浮幢王刹諸香水海等無差別○我

備證

於是時初成此觀但見其水未得無身○當爲比丘

觀值錄

室中安禪我有弟子窺窓觀室惟見清水徧在室中了無所見童稚無知取一瓦礫投於水內激水作聲二出觀知病顧盼而去○我出定後頓覺心痛如舍利弗遭逼害

鬼我自思惟今我已得阿羅漢道久離病緣云何今

三審錄復安

日忽生心痛將無退失○爾時童子捷來我前說如

上事我則告言汝更見水可卽開門入此水中除去

瓦礫童子奉教後入定時還復見水瓦礫宛然開門

除出我後出定身質如初遂無量佛如是至於山海

自在通王如來方得亡身與十方界諸香水海性合

提問

卷之五

真空無二無別。今於如來得童真名。預菩薩會○佛
證結答

問圓通我以水性一味流通得無生忍圓滿菩提斯
爲第一

資中曰。準華嚴經華藏海中。有大蓮華。其蓮華中。
有諸香水。一一香水海爲諸佛刹世界之種。華藏
世界在香水海中。故云浮幢王刹華藏二十重累高

如幢最爲高大。故稱王。今觀身水與彼海同。故曰

浮幢王刹。諸香水海也。初成此觀。但見其水者。此
定果色隨心所變。如十徧處入定則有。出定則無。
不同業果色。共業同感。不造世業。方得清淨。十徧
處者青黃赤白地水火風空識。此十一一切處皆有
如作青想。則一切處皆青也。吳興曰。得阿羅漢久

離病緣等。按智論明諸聖人。皆有身苦。如舍利弗。風病。卑陵伽眼痛等。今言已得羅漢。久離病緣。實難銷會。此蓋過去。曾取小果。旣無見思惑業之事。是離分段病苦之緣。其時迴心。却入三界。本無實疾。所以疑之。然此菩薩所修三昧。與前持地觀法大同。但由無明尚在。未得無功用道。是故出定不

知病緣。有作析法拙度解之者。誠不可也。方得亡

身等初證法。身分亡變易之身。身中水性與香水性。同合真如。空藏之性。溫陵曰。月太陰水精也。

昔師水天修習水觀。水性圓明。故號月光。水性無

奪者。內之精血外之刹海。水相雖異。而性不相奪。

我於是時。至身質如初。叙作觀之緣也。舍利弗於

撰述

校讎清音卷五

全

恒河岸入定遭違害鬼所擊而出定頭痛亦未得無身故也漢州綿竹縣水觀和尚迹同月光佛陀本傳云師入火光定其室如焚亦此類也違害當作爲害夜叉鬼王之名乃身子過去世之怨也

天台曰三釋水大圓通初明境之通別別而言之有身中之木依報之水今此菩薩乃内外通觀如觀於身中水性無奪正報之水也浮幢王刹諸香水海依報之水也等無差別則內外性等次明觀之盈縮初宗佛旨釋其所悟能師菩薩名曰月光

所師如來名曰水天所謂古今一道果因一契也此與觀經觀水不同者三一依正異彼觀依報此依正通觀二事理異彼惟事相此兼事理三方便真實異彼欲觀寶地故先託大陂池水觀之以爲方便此觀水性無奪顯性水真空夫性水真空性空真水清淨本然周徧法界隨衆生心應所知量以爲依正而情器斯分故自相分言之內焉外焉小焉大焉赤焉白焉香焉臭焉穢焉淨焉而萬殊不同今自性分觀之先觀身中水性無奪初從喙唾如是窮盡津液精血大小便利身中旋復水性一同此觀正報之性齊也次見水身中與外世界浮幢王刹諸香水海等無差別此觀正報依報之性齊也但迷情既久而依正難齊故初成此觀但見其水未得無身若亡身者水卽身而身卽水若水卽身謂之惟水可也若身卽水謂之惟身亦可也惟身惟水俱名法身故得亡身之後與十方界諸香水海性合真空無二無別也

撰述

標題

卷四

四琉璃光觀風大二初敘悟緣起二初遇佛受教

○琉璃光法王子卽從座起頂禮佛足而白佛言○
二依教修觀二初正脩觀巧

我憶往昔經恒沙劫有佛出世名無量聲開示菩薩
本覺妙明觀此世界及衆生身皆是妄緣風力所轉。
我於爾時觀界安立觀世動時觀身動止觀心動念
諸動無二等無差別我時覺了此群動性來無所從
去無所至十方微塵顛倒衆生同一虛妄如是乃至

三千大千一世界內所有衆生如一器中貯百蚊蚋

二觀成獲證

啾啾亂鳴於分寸中鼓發狂鬧○逢佛未幾得無生
忍爾時心開乃見東方不動佛國爲法王子事十方
佛身心發光洞徹無礙○佛問圓通我以觀察風力
無依悟菩提心入三摩地合十方佛傳一妙心斯爲
第一

撰述

移居通鑑卷五

卷五

吳興曰。界爲方位故安立世爲遷流故動時時卽

過現未也。孤山曰。逢佛未幾者未多也。溫陵曰。因

風大圓悟身心發光洞徹無礙號琉璃光無量聲

佛亦依風大開示菩薩使知本覺無動而身界之

動皆風力所轉琉璃光因是觀界觀世觀身觀心

遷流運止悉惟風力故曰諸動無一由是覺了大

千群動皆卽狂勞猶百蚊蚋鼓於方寸耳既了狂
勞乃見不動佛也東爲群動之本而佛號不動乃
卽動而靜者也能卽動而靜故身心無礙也傳一
妙心者知風力無依萬動皆妄而獨證無動本覺
也

天台曰。四釋風大圓通初明境之通別別而言之。
有正報之風。依報之風。正報有身心之殊。依報有

撰述

校勘記卷五

金

界世之異。今通別俱觀。故曰觀界安立等。次明觀之盈縮。初宗佛旨。釋其所悟。論無量聲如來。開示菩薩。本覺妙明。宜直就常住真心。不生不滅者觀之。而云觀此世界及衆生身。皆是妄緣。風力所轉者。正示動中有不動者在。欲其觀動以顯不動之性。故曰我於爾時。觀界安立。觀世動時。觀身動止。觀心動念。諸動無二等無差別。蓋界之安立爲風輪之所執持。其動則大。三世遷流。其動則小。身動止。心動念小之又小。大小雖不同。均一動也。我時了覺。此群動性來無所從去。無所至者。肇公所謂旋嵐偃嶽而常靜。江河競注而不流。野馬飄鼓而不動。日月歷天而不周。不過十方微塵顛倒衆生同一虛妄而已。故又以法喻明之。如是乃至三千大千一世界內所有衆生。如一器中貯百蚊蚋。蚊蚋亂鳴。於分寸中鼓發狂鬧。以分寸中鼓發狂鬧。喻世界之大千無量之衆生。喻一百之蚊蚋。以蚊蚋亂鳴。喻世界身心之群動。然而蚊蚋雖動。而器空不動。以類衆生之妄緣雖動。而吾本覺礙。此正言得名之所自。因觀世界身心同一虛妄。了無所有。同一本覺寂而常照。如淨琉璃也。未云合十方佛。傳一妙心者。十方諸佛。孰有不以本覺妙明而傳心乎。又孰有不卽動而顯寂乎。而下文殊則揀之云。若以風性觀動寂非無對。對非無上覺。云何獲圓通。然而獨不曰。音聲性動。靜聞中爲有無。無聲號無聞。非實聞無性。聲無亦無滅。聲有亦非生。生滅二圓離。此則常眞實。可以借妙德之言爲琉璃光法。

王子而解嘲也。

五蘆窯藏空大二初敘緣起三初同佛所得

○虛空藏菩薩卽從座起頂禮佛足而白佛言。我與

接述

妙廣傳述略卷五

二備頭神用

如來定光佛所得無邊身○爾時手執四大寶珠照

明十方微塵佛刹化成虛空。又於自心現大圓鏡。內放十種微妙寶光流灌十方盡虛空際諸幢王刹來

入鏡內涉入我身。身同虛空不相妨礙。身能善入。微

三由觀獲證

塵國土廣行佛事。得大隨順○此大神力。由我諦觀

四大無依妄想生滅虛空無二。佛國本同於同發明。

二牒詣結答

得無生忍○佛問圓通。我以觀察虛空無邊入三摩地。妙力圓明。斯爲第一。

地妙力圓明。斯爲第一。

吳興曰。因觀四大色質既得無邊法身。爲顯此身徧融一切。故執寶珠照十方等而表示之。旣以珠

表色復以鏡表心。色從心造全體是心。故放寶光灌十方等華嚴云。清淨妙法身湛然應一切。身同

虛空法也。身入塵國應也。說三乘法爲佛事。稱四

悉機爲隨順

天台曰。五釋空大入圓通初明境之通別。別則惟觀虛空以顯藏性。今通觀四大以顯空如來藏。亦卽情與無情而通觀也。次明觀之盈縮初宗佛旨。釋其所悟我與如來定光佛所得無邊身者謂同釋迦初證法身也。爾時手執四大寶珠等者寶珠必摩尼。以示具寶無邊出生不盡也。正以法身名毘盧遮那遍一切處。一切諸法無非佛法。一切法卽四大十法界諸法證此佛法。則一一法莫不稱性。如虛空之無邊故號爲虛空藏菩薩焉。故證此身後手執四大寶珠。照明十方。微塵佛刹。化成虛空。以表顯四大與空。一一稱性而周徧也。此以四大寶珠表能觀四大之智。十方微塵佛刹表所觀。

四大之境化成虛空者乃以智融境攝事成理。所謂性色真空性空真色清淨本然周徧法界等是也。又於自心現大圓鏡內放十種微妙寶光流灌十方盡虛空際諸幢王刹來入鏡內。涉入我身。身同虛空不相妨礙。此表一心具足十界。依正一如生佛不二。如帝網之千珠。彼彼互融法法周徧也。已上叙所證之體。卽無邊身也。次現神力。敍體中所具之相。身能善入。微塵國土廣行佛事。得大隨順。敍從體以起乎用。惟其如此。故結顯云。此大神力。由我諦觀云云。其所表示亦可謂詳盡矣。前四菩薩乃於四大各證其一。今則連前會通一卽一切。與三卷圓會之理同。觀門超勝。又可知也。

六彌勒觀誠大二初敍悟緣起

○彌勒菩薩卽從座起頂禮佛足而白佛言。我憶往

昔經微塵劫有佛出世。名日月燈明。我從彼佛而得

校道

校道

出家心重世名好遊族姓爾時世尊教我修習惟心

二依教修觀二初久修離過

識定入三摩地○歷劫以來以此三昧事恒沙佛求

世名心歇滅無有○至然燈佛出現於世我乃得成

無上妙圓識心三昧乃至盡空如來國土淨穢有無

皆是我心變化所現○世尊我了如是惟心識故識

二現諸佛

性流出無量如來今得授記次補佛處○佛問圓通

二牒證結答

我以諦觀十方惟識識心圓明入圓成實遠離依他及徧計執得無生忍斯爲第一

溫陵曰彌勒正云梅怛利曳那此翻慈氏爲慈隆卽世悲愍後劫愍物迷識故示迹發明也真際曰以不達徧計本空依他幻有故耽世名好遊族姓惟心識定者惟遮境有識箇心空惟有自心心外

無法也。吳興曰。盡空者謂盡虛空界所有佛國等。

惟心所現也。若以四土言之。心卽寂光變化卽實報方便同居也。淨穢但是三土之相互有起滅故云有無。流出如來者從法身識性。流出報應佛身也。孤山曰。求世名心歇滅無有者相似位也。得成無上妙圓識心三昧者分真位也。資中曰。圓成實等者三性也。一徧計所執性橫執衆生壽者我及我所乃至情非情異有實體性故周徧計度也。二依他起性計有因緣世間和合建立名相執此假相定從種生雖無我執自然種性假色心等爲種生五蘊等法也。三圓成實性卽無漏之體及真如法界也。圓成如麻依他如繩徧計如蛇今入圓成

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

卽證真如理也

天台曰。六識識大入圓通初明境之通別。通而言之。六識七識八識九識皆可爲境。今別觀九識爲境。故曰我以諦觀十方惟識識心圓明。入圓成實次明觀之盈縮。初宗佛旨釋其所悟。言從佛出家心重世名好遊族姓者。此通二解。一約事相。如今之身雖出家心不染道。惟朱門是遊。此可與區區庸俗僧比。若菩薩既曰經微塵劫。值燈明佛。應準下文三性而說。心重世名卽徧計執性。好遊族姓卽依他起性。如三界生死依正等法皆依他無明而起。十八界等各有種族是爲族姓。於此性中而緣塵分別。計有我人衆生壽者六十知見。是爲徧計執性。皆由不了依他幻有徧計本空故。心重世名。遍遊族姓也。今佛教我修習惟心識定。正對治之良方。蓋令了達一切諸法。悉惟心識所造。乃應病之法藥。眞際所謂惟遮境有識。簡心空。惟有自

心。心外無法。歷劫以來。以此三昧等者。長水云。初修此觀已得對治。知世名利有無厚薄。皆我惟識所變。不從他來。由此馳求頓爾皆息。至然燈佛等者。長水云。此觀初成。位當解行。今得三昧。已入初地。名真見道。謂以一實根本無分別智。與法界冥合。能所一如。無有三相。故惟識頌云。若時於所緣智都無所得。爾時住惟識離三取相。故當爾之時。方名親證。乃至盡空。如來國土。淨穢有無。皆是我心變化所現者。此言識性變造。如來四土之依報也。我了如是。惟心識故。識性流出。無量如來者。此言識性變造。如來三身之正報也。豈惟如來。依正悉從變造。卽九界依正。莫不皆然。舉勝影劣。故偏言之。然此只須消歸自己。不必以他佛他土爲言。圓成實等三性資中以麻繩蛇喻之。余謂不若二卷識陰文中。千里盛空。遠餉他國。其喻最親。略釋在二卷之末。須者往檢。二略消名相者。此菩薩所觀法門爲一經之梗槩。十軸之權衡。各相不知。造成無路。蓋此經具四識之名。備四識之義。如六識

撰述

卷之三

三

卷之三

名義該載前之三卷七識則名載第八。如曰存於末那半分微細八識則首卷識精五卷陀那微細識九識則四卷果位七種名自菴摩羅識。豈非籠罩全經包含始末乎。故應略抄名相以備義持之所需。但法相繁長慮乖正意別錄卷末以被初機三約教者論惟識法門藏通二教了無如此義趣。以其雖曰心造諸法但是構造而已今經既曰皆是我心變化所現顯是當體改轉爲義但論具不具以分別圓故天台有別理隨緣之說正以此義不易曉明故也。今此前文曾曰性識明知覺明真識妙覺湛然偏周法界含吐十方寧有方所循業發現乃不變隨緣隨緣不變之旨惟應以圓頓教而攝屬之也。四會歸圓頓者旣屬圓教何煩會歸但性相分岐人情角立玄悟者卽相以觀性知水性元不異波濤教者執相以礙性云波相還殊無性。如今經之談相滿日皆惟識之宗詮外之言宗觸處皆真如之觀如曰識精元明陀那細識豈非爲相宗之斷案惟識之表詮乎。至於究極根門惟

觀妙性卽彼藏識直詣元明亦如此文而言識性流出無量如來是則性相二門不分而分分而不分不妨文殊彌勒各以妙辯而分庭同一鼻孔而出氣或者問曰若二十五境皆屬惟識諸大菩薩皆觀識性而文殊菩薩下文揀選何不直尊彌勒耶。答曰子可謂善乎其問然亦難言之也正以此義深闢性具理致難精得意忘言庶臻闇與蓋性者本也相者末也性本宜一而反多天台所明性具三千此經所明三科七大一一莫不清淨本然周徧法界是也相末宜多而反一相宗所謂三界惟心一切惟識是也。今經楞嚴究竟了義性相兼舉本末備陳欲令人知無始從本而逐末故今循末以反本如七大一一皆曰性色真空性空真色清淨本然周徧法界隨衆生心應所知量夫性以不變爲義故一一皆不攻當體卽此色空而周徧諸法卽此色空而循業發現是則清淨本然正性具之功勳隨心應量正惟識之能事故了十界七

撰述

釋名卷三

大隨緣之事莫非惟識之所變造謂之俱宗惟識可也。一一而直觀法性莫非不變之體謂之俱宗法性可也。今正明循末以返本卽相而觀性故獨推觀音以爲宗極也。

七妙至觀極大二初敘悟緣庭二初遇佛授教二初標指

○大勢至法王子與其同倫五十二菩薩卽從座起

頂禮佛足而白佛言我憶往昔恒河沙劫有佛出世

名無量光十二如來相繼一劫其最後佛名超日月

二敘教二初驗顯二初驗不念之失

光彼佛教我念佛三昧○譬言如有人一專爲憶一人

專忘如是二人若逢不逢或見非見○二人相憶二

憶念深如是乃至從生至生同於形影不相乖異○

二說合二初答不念

十方如來憐念衆生如母憶子若子逃避雖憶何爲

○子若憶母如母憶時母子歷生不相違遠若衆生

心憶佛念佛現前當來必定見佛去佛不遠不假方

便自得心開○如染香人身有香氣此則名曰香光

二修習獲證

二牒證結答

莊嚴○我本因地以念佛心入無生忍今於此界攝念佛人歸於淨土○佛問圓通我無選擇都攝六根

淨念相繼得三摩地斯爲第一

溫陵曰觀經云以智慧光普照一切令離三途得無上力名大勢至又云夫念佛者不得一彈指頃念世五欲是謂繫念譬如有人下示必須繫念然

後相應不專念佛則雖逢不逢雖見不見染香則
襲香念佛則見佛故以念佛如熏名香光莊嚴也
吳興曰母憶子如人專憶子逃避如人專忘問前
云逢不逢等此何但云雖憶何爲答縱得逢見不
蒙法利與逃避無異舍衛九憶家不其然乎入無
生忍者以證驗修則念佛之心不可單約事相而

解念存三觀佛具三身。心破三惑。無生忍位。方可入焉。資中引觀經是心是佛等釋之斯亦大要也。

淨土者別指極樂及寂光也。都攝六根者念屬意根。意根若淨諸根自攝故無選擇也。

天台曰。七釋根大入圓通。初明境之通別。別而言之。惟在意根。經云念佛三昧故也。通則偏觀六根。經云我無選擇。都攝六根故也。蓋此法門以別攝通。會別歸通。故謂之念佛三昧。次明觀之盈縮。初宗佛旨釋其所悟。所秉之佛光。光相傳。其有十二。初名無量光。二名無邊光。三名無礙光。四名無對。

光五名大燄光。六名清淨光。七名歡喜光。八名智慧光。九名不斷光。十名難思光。十一名無漏光。十二名超日月光。故曰十二如來。相繼一劫。彼佛教我念佛三昧者。明秉教之始。立行之名。念者能觀之觀。佛者所觀之境。三昧則因念佛力不受諸受而得乎正受者也。正受之名義。通因果。未暇論果。今且明因。如初心念佛之人。以心緣佛。以佛繫心。心心相續。無有間斷。當爾之時。內心不起。外境無侵。旋元自歸返流。全一正不受諸受。而得乎正受。久久不退。因必成果。如來無量三昧。因地鮮不由斯。故禰念佛三昧也。但念佛之名。其法最通。以四種三昧。通禰念佛故。今此三昧。正同觀經。乃託他佛。而爲所緣。經敘昔秉。雖不云專託彌陀。而菩薩旣今輔弼清泰。則意亦軌今行人。一志西方也。下去兩重譬喻。明必須念佛所以。初相憶。二染香。喻初喻爲二。初立喻。二合法。初中譬如有人。一專爲憶。喻諸佛發僧那於始心。終大悲於赴難。無時不憶。念衆生。以何因緣。令得度脫。免三界苦也。一專

撰述

卷五

三

四

人專忘。喚衆生背父逃避。惟貪麤弊五塵。茲心於
辨六道也。如是二人若逢不逢或見非見者。如諸
佛如來諸大菩薩無時無處不應現色身而行度
脫隨法身徧處而應色亦徧故華嚴云。佛身充滿
於法界普現一切羣生前隨緣赴感靡不周而恒
處此菩提座柰衆生機疎無感佛緣故若逢而不
逢或見而非見此喚衆生不念之失也。次喚念佛
之得故曰二人相憶二憶念深二人相憶喚佛既
念衆生衆生亦念佛然佛之念衆生既無時無處
而不念則其念也深而衆生之念佛亦無時無處
而不念方謂之二憶念深能如是念則生生常見
佛土土觀如來故曰如是乃至從生至生同於形
影不相乖異蓋佛念生之形既端而衆生念佛之
影必直所謂容貌如佛心相亦同形影相隨豈能
乖異耶次合法中先合佛念衆生意言前譬如有
人一專爲憶者卽十方如來濟念衆生也言如母憶
子等者前二人相憶其喚也泛故復舉親喚而帖
合之謂二人相憶要如母子之相憶也獨言母而

不言父者父道嚴其憶也疎母道慈其憶也親若
子逃逝雖憶何爲者帖合一人專忘也雖憶何爲
正帖合若逢不逢或見非見也上皆帖合不念之
失次帖合念佛之得故曰子若憶母次教以憶母
之方要當如母憶時蓋母之憶子或兀坐而恒思
或倚門而長望或廢寢而忘餐或停梭而罷績則
無時非憶子之時無處非念兒之處其憶念也至
深夫人子之在他鄉而念親也雖云極孝然而或
爲良朋之所眷或爲美婦之所羈或爲榮祿牽繩
或爲貨財縈絆終非似母憶念之深孝子尚然矧
不孝乎故菩薩教人以念佛真切工夫而曰如
憶時應如古德云夫念佛者不得一彈指頃念世
五欲是謂繫念此語得之矣然猶事也若夫理者
直須契常住真心三際十方此等時處無非當人
一念念佛之心方得名爲如母憶時方得母子歷
生不相違遠也若衆生心下次合衆生念佛之得
現前當來必定見佛去佛不遠正合母子歷生不
相違遠言不遠者正謂念佛衆生雖未成佛不久

撰述

卷五

定當成之與佛相去者不遠也。而云不假方便。自得心開者。二十四門中雖大小偏圓不同。要知悉假方便。如下耳。根前謂至玄亦須初於聞中入流亡所。况云聞非自然生。因聲有名字。又曰此方真教體。清淨在音聞。非方便乎。若此念佛法門。舉念卽緣佛境。事理圓融能所絕待。故下云我本因地以念佛心入無生忍。苟非如此焉。今卽契無生。不假方便信不誣也。二染香喻。再喻衆生。必須念佛者。如染香人。身有香氣故也。人身本不香。因染香而頓有香氣。喻衆生本非佛。因念佛而頓有佛香。蓋佛因念顯。念因佛熏。如鏡交光。重重互入。念佛功德。有如此之勝。聞者可不信。諸而言香光莊嚴者。光亦氣也。變其詞爾。謂以諸佛法身之香氣。而莊嚴乎衆生之色身也。若就法爲言。則佛以相好光明。而爲之香。衆生念佛。卽以佛光而爲莊嚴。我本因地。以念佛心入無生忍。此結成自行。因果相符合。今於此界攝念佛人。歸於淨土。謂果後利益。既以此而自利。卽以此而救人。亦以此力而攝生焉。

我無選擇都攝六根。正結答所從法門。雲間師云。念屬意根。正論修處。亦旁攝諸根。根根念佛也。意根若淨。諸根皆攝。故無選擇。如念佛時。眼不觀色。眼念佛矣。乃至身不著觸。身念佛矣。古用之間。惟彌陀是念。惟淨土是求。無有間斷。卽淨念相繼也。如是法門。超勝餘門。故曰入三摩地。斯爲第一。二略消名相者。念佛法門大要有二。一稱名。二觀想。稱名出大小二彌陀經。及以觀經。二經皆云臨終稱名。經十念頃。卽得往生。小本彌陀經。則令求生淨土者。執持名號。若一日。若二日。乃至若七日。一心不亂。其人臨命終時。阿彌陀佛與諸聖衆。在其前。卽得往生極樂國土。一心不亂。有二義。一者事一心。口中執持名號。以心繫緣佛聲。心心相續。念佛不忘。深信淨土。志趣西方。無有剎那間斷。名事一心。二者理一心。了達佛非心外之佛。心非佛外之心。離能所。絕待對。不以有心念。不以無心念。不以亦有亦無心念。不以非有非無心念。能如是念。則終日念。卽終日無念。雖無念而不妨乎。常念。名事

撰述

釋量

卷三

三

理一心二觀想出般舟三昧經及觀無量壽佛今且約觀經明之此經佛爲韋提希夫人說具十
六境先觀依報六境初日觀二水觀三地觀四
觀五池觀六總觀二觀正報七境初華座觀二
觀三佛身觀四觀音觀五勢至觀六普觀七雜觀
後觀三輩往生一上品生觀二中品生觀三下品
生觀具如疏釋今略明佛觀亦有二義一者事觀
物心但觀劣應丈六八尺三十二相之像深位備
觀勝應高六十萬倍那由他恒河沙由旬白毫宛轉如
五須彌山糾日澄清如四大海水身有八萬四千
相相有八萬四千好好有八萬四千光明繫緣在
心念念不忘經云但當憶想令心眼是爲事一
心二理一心者經云見此事已次當想佛所以者何
諸佛如來是法界身入一切衆生心想中是故汝
等心想佛時是心即是三十二相八十隨形好是
心作佛是心是佛諸佛正徧知海從心想生此文
明觀義極圓融大師疏釋初八句有二初約感應
道交釋乃圓頓行人以三觀淨心爲能念能感彌

撰述

卷五

五

二觀也。不破不立名之爲是中道觀也。全是而作
則三諦俱破。三諦俱立。名一空。一切空。一切
假全作而是。則於三諦俱非破非立名。一中。一切
中。卽中之空。假名作能破三惑。能立三法。故感他
佛三身圓應。能成我心三身當果。卽空假之中名
是。則全惑卽智。全障卽德。故心是應佛。心是果佛。
故知作是一心修者。乃不思議之三觀也。是以吳
興師曰。念存三觀。佛具三身。心破三惑。無生忍位。
方可入焉。至於資中亦引觀經。是心是佛等釋之。
此二師者可謂得其大要者也。三順說時。備明四
教者。夫惟心淨土。本性彌陀。乃禪敎之常談。衆人
之耳熟。苟不深明旨趣。多有失義迷名。蓋心外無
佛人。固知爲圓頓之妙詮。不知亦濫同偏小之錯
解。卽心外有佛人。亦知爲偏小之局談。不知亦可
會成圓頓之奧旨。何也。以心有偏真。圓真。佛有世
相。妙相。如藏通別教之人。孰不謂心外無佛。乃一
以偏空。但中者爲心。若證此理。則子果俱盡。無身
無土。或以雙遮。二邊空。亦不立。將一物不留者爲

究竟。但惟悟此本心上。無佛道可成。如今禪者之
流。或見人念佛求生淨土。卽便棄事尚理而遮
云。本性卽彌陀。何彌陀之可念。惟心卽淨土。何淨
土之可生。以此而爲心外無佛。凡見諸經說念佛
求生處。一總排爲事相。而云假使有之。亦無非諸
佛權巧方便。接引鈍根衆生。若本地風光。無如是
事也。以此而爲心外有佛。若圓頓教人。其則不然。
以彼彼互具爲言。則謂之心外無佛。以不失自性
爲言。則謂之心外有佛。心外無佛者。但無其離心
有他佛之情。心外有佛者。但有其卽心有他佛之
法。此無卽有。故能了此心。非惟具自心生佛之性
相。亦了此心。具他心生佛之性相。此有卽無。故能
達此心。非惟無自心生佛之情。僥亦無他心生佛
之情僥。合而明之。謂彌陀之三身。乃吾本性之彌
陀極樂之四土。乃吾惟心之淨土也。四順藏理。會
歸圓頓爲一。初約當門。會勢至菩薩本依根太。以
入圓通。而云我無選擇。都攝六根。是則此門所收
甚廣。不惟偏攝六根。而六根俱妙。故前經云。若見

撰述

釋題卷五

一百

聞知性圓周徧本不動搖。當知無邊不動虛空。并其動搖地水火風。均名六太。性真圓融。皆如來藏。本無生滅。乃至云汝曾不知。如來藏中。性見覺明。覺精明。見清淨。本然周徧法界。隨衆生心應所知量。如一見根。見周法界。聽喚嘗觸覺。觸覺知妙德。瑩然徧周法界。圓滿十處。寧有方所。圓頓行人。能如是知。是則正當念佛之時。而根根塵塵徧周法界。彌陀已現我心之内。我身已居淨土之中。謂之諸佛。如來是法界身。入一切衆生心想中可也。卽謂之一切衆生是法界身。入諸佛如來慈誓中亦可也。至於因圓果滿。生淨土時上品上生。入無生忍。必矣。二約諸門會。夫念屬始覺。佛屬本覺。始本一合。始本俱忘。謂之念佛三昧。是則念佛三昧。何門而不攝。何法而不圓。故四明尊者曰。四種三昧。通名念佛。但其觀法爲門不同。如一行三昧。直觀三道顯本性。佛方等二昧。觀祖持顯法華兼誦經觀音。兼數息。覽意歷三性。此等三昧。歷事雖異。念佛是同。俱爲顯於大覺體故。以是而觀。則今三十

五門。正同此義。俱謂之念佛可也。又云。雖俱念佛。而是通塗。顯諸佛體。若十六觀門。及般舟三昧。託彼安養。依正之境。用微妙觀。專就彌陀顯真佛體。以此而觀。則今勢至菩薩法門。正同次義。用微妙觀顯真佛體。是故今用三種念佛法門。收盡一切諸三昧門。言三種者。一念自佛。二念他佛。三自他俱念。但念自佛。攝得今經二十四門盡。亦攝得一大藏教。并正像末法禪教諸祖。所立法門。頓漸徧圓。大乘小乘。乃至禪宗。教外別傳。直指人心。見性成佛。一歸於念。自本覺之佛而已。但念他佛。攝得藥師彌陀上生等諸經。并蓮宗法門。惟以事想念念佛。及一切衆行盡。自他俱念。攝得十六觀經。如智者疏。用微妙三觀。念彌陀佛。并此圓通念佛三昧。盡。又此三種念佛。有分全不同。蓋本覺佛性。具三。如來藏。如二十五門聲聞所修。但念空藏。分見空覺。餘諸菩薩。或出假分別。分見不空覺。觀音普賢等。上流菩薩。皆圓念三藏。全見三覺。若單念他佛。則惟約應身。以爲分全。卽自他俱念。亦有分全不同。

標述

大藏圖書卷三

有單以空觀念應身佛者。有單以假觀念報身佛者。有單以中觀念法身佛者。有三觀一心中修。三身一境中念者。若以未明四科。箇偈收之。則罄無不盡。初單念自佛。卽有禪無淨土句攝。卽念他佛。卽無禪有淨土句攝。自他俱念。卽有禪有淨土句攝。若自他俱不念。卽無禪無淨土句攝。又此三種念佛。不得意者。則偏圓異道。勝劣殊途。若得意者。門門皆爲淨土之因。法法皆成實相之行。何者。如二十五門。皆爲入如來藏之行。如共入一堂。有始登階者。有已登階者。有已臻奧者。淺深雖殊。屋空一也。又十六觀經云。諸佛如來是法界身。人一切衆生心想中。是故汝等心想佛時。是心即是。三十二相八十隨形好。是心作佛。是心是佛。諸佛如來正徧知海。從心想生。如來法界身。尚能入尋常衆生虛妄心想中。豈不入禪定真實心想中。但修禪人不信有淨土可生。是故不肯發願求生極樂。如此之人。謂之有行而無信願。正同經云。譬如二人。一人專憶。一人專忘。若逢不逢。或見非見。苟知此。

理。正當修禪念。自本覺佛時。或念分覺。或念全覺。悟此覺。卽佛覺。佛覺常入此覺。深信發願。卽以此覺而回向佛覺。則我始覺常見佛之本覺。能如此念。是爲汝等心想佛時。是心卽是三十二相。八十隨形好。何以故。是心是佛故。是心作佛故。諸佛如來正徧知海。豈不從我心想生乎。如是之人。時時見佛。正如二人相憶。二憶念深子。若憶母。如母憶時。母子歷生。不相違遠。從生至生。同於形影。不相乖異。是則淨土法門。不必專於念他方之應佛。亦不必專於自他二佛。於一心中念。但隨人宜樂。不必三行。任修一行。達分全俱爲法界。自他皆是。菩提三心六念。尚爲淨土之良因。始本俱圓。豈非西方之正行。但能深信。更加發願。必於寶刹。速證無生。噫。觀菩薩結牒。指歸而曰。我本因地。以念佛心。入無生忍。又曰。我無選擇。都攝六根。其所示意。亦以微矣。

大佛頂如來密因修證了義諸菩薩萬行首楞嚴經

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

卷五

百二

圖書

卷第五

嘉興府楞嚴寺經坊餘資刻此

楞嚴經圓通疏卷五

順治六年孟春般若堂識

註三小六念中一良因本其間非
不以爲然此二佛心一心中念即謂人宣說五
事與昆明等主歸門下公事念會過大士應說
般若經至詳注解高僧主至坐同林示揚可
見持五吸二人併持二部念珠不皆忘失或甘
未五箭中戒言不空持小唐主半歇身入室
願好我何以知是小故難姑且心前無始後
公真空大等公想得却多心惟裏三十二卦入
體之而用尚能覺知亦欲覺當思惟之本覺能此
時也覺時能覺當時能當入此覺謂能當以相
應之而得合本覺能當合本覺能當合本覺

60

1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

十七